

晏子春秋目錄

內篇諫上第一九二十五章

內篇諫下第二九二十五章

內篇問上第三九三十章

內篇問下第四九二十章

內篇祿上第五九三十章

內篇祿下第六九三十章

外篇重而異者第七九二十七章

外篇不合經術者第八九十八章



右晏子凡內外八篇總二百十五章

護左都水使者光祿大夫臣向言所校中書晏子十一篇臣向謹與長社尉臣參校讐大史書五篇臣向書一篇參書十三篇凡中外書三十三篇爲八百三十八章除復重二十二篇六百三十八章定著八篇二百一十五章外書悉有二十六章中書無有七十一章中外皆有呂相定中書呂天爲芳又爲備先爲七章爲長如此類者多謹頌略揃皆已定呂殺育書可繕寫晏子

名嬰謚平仲萊人萊者今東萊地也晏子博聞彊記通于古今事齊靈公莊公景公呂節儉力行盡忠極諫道齊國君得呂正行百姓得呂附親不用則退耕于野用則必不誦義不可脅呂邪白刃雖交胸終不受崔杼之劫諫齊君懸而至順而刻及使諸侯莫能誦其辭其博通如此蓋次管仲內能親親外能厚賢居相國之位受萬鍾之祿故親戚待其祿而衣食五百餘家處士待而舉火者亦甚衆晏子衣苴布之衣麋鹿

之裘駕敝車疲馬盡曰祿給親戚朋友齊人曰
此重之晏子蓋短疑其書六篇皆忠諫其君文
章可觀義理可法皆合六經之義又有復重文
辭頗異不敢遺失復列曰為一篇又有頗不合
經術似非晏子言疑後世辯士所為者故亦不
敢失復曰為一篇凡八篇其六篇可當置旁御
觀謹第錄臣向昧死上

李鼎年知夏四月乙酉余寓錢去有持此書及淮南鴻

烈潛夫論新書中論考書凡十本亦信為麟之祥乎山人談



晏子春秋內篇諫上第一九二十五章

莊公矜勇力不顧行義晏子諫第一

景公飲酒酣願諸大夫無爲禮晏子諫第二

二

景公飲酒醒三日而後發晏子諫第三

景公飲酒七日不納弦章之言晏子諫第四

四

景公飲酒不卹天災致能歌者晏子諫第五

五



景公夜聽新樂而不朝晏子諫第六

景公燕賞無功而罪有司晏子諫第七

景公信用讒佞賞罰失中晏子諫第八

景公凌嬖妾隨其所欲晏子諫第九

景公敕五子之傅而失言晏子諫第十

景公欲廢道子陽生而立荼晏子諫第十

一

景公病久不愈欲誅祝史呂謝晏子諫第

十二

景公怒封人之祝不遜晏子諫第十三

景公欲使楚巫致五帝呂明德晏子諫第

十四

景公欲祠靈山河伯呂禱雨晏子諫第十

五

景公貪長有國之樂晏子諫第十六

景公登牛山悲去國而死晏子諫第十七

景公遊公阜日有三過言晏子諫第十

八

景公遊寒塗不恤死齒晏子諫第十九

景公衣狐白裘不知天寒晏子諫第二十

景公異筮惑守虛而不去晏子諫第二十一

景公將伐宋夢一丈夫立而怒晏子諫第二十二

二十二

景公從敗十八日不返國晏子諫第二十三

三

景公欲誅駭鳥整人晏子諫第二十四

景公所夢馬死欲誅圉人晏子諫第二十五

五

莊公侈勇力不顧行義晏子諫第一

齊公爲乎勇力不顧行義勇力之士無忌于國貴賤不爲善過邇不引過故晏子見公公曰古者亦有徒臣勇力立于世者乎晏子對曰嬰聞之輕死曰行禮謂之勇誅暴不避彊謂之力故勇力之立也臣行其禮義也湯武用兵而不爲逆弑國而不爲貪仁義之理也誅暴不避彊

替罪不避衆勇力之行也。古之爲勇力者，行禮義也。今上無仁義之理，下無替罪誅暴之行，而徒以勇力立于世，則諸侯行之。呂國危，匹夫行之。呂家殘，昔夏之衰也。有推侈大戲，殷之衰也。有費仲惡來，是走千里，手裂兕虎，任之。呂力凌轢天下，威戮無罪，崇尚勇力，不顧義理。是呂桀紂，呂滅殷，夏呂衰，今公自奮乎勇力，不顧乎行義，勇力之士，無忌于國，身立威強，行本淫暴，貴戚不薦善，伯適不引過，反聖王之德，而循滅君

之行，用此存者，嬰未聞有也。

景公飲酒，酣，願諸大夫無爲禮。晏子諫第二。景公飲酒，酣，曰：「今日願與諸大夫爲樂飲，請毋爲禮。」晏子蹴然改容，曰：「君之言過矣。群臣固欲君之無禮也，力多足，呂勝其長，勇多足，呂弑君而禮不使也，禽獸矣。力爲政彊者，犯弱，故曰易主。今君去禮，則是禽獸也。群臣力爲政彊者，犯弱，而日易主，君將安立矣。凡人之所貴，于禽獸者，力有禮也。故詩曰：『人而無禮，胡不遄死。』」

禮不可無也。公面而不聽，少間公出，晏子不起。公入不起，交舉則先飲，公怒，色變，抑手疾視曰：嚮者夫子之教寡人無禮之不可也。寡人出入不起，交舉則先飲，禮也。晏子避席再拜稽首而請曰：嬰敢與君言而忘之乎？臣已致無禮之實也。君若欲無過，此是已。公曰：若是孤之罪也。夫子就席，寡人聞命矣。觴三行，遂罷酒。蓋是後也，飭法修禮，君治國政而百姓肅也。

景公飲酒醒三日而後發，晏子諫第三

景公飲酒醒三日而後發，晏子見曰：君病酒乎？公曰：然。晏子曰：古之飲酒也，足已通氣，合好而已矣。故男不群樂，已妨事；女不群樂，已妨功。男女群樂者，周觴五獻，過之者誅。君身服之，故外無怨，治內無亂。行令一日飲酒而三日寢之，國治怒乎？外左右亂乎？內已刑罰自防者，勸乎？為非已賞譽自勸者，惰乎？為善上離德行，民輕賞罰，失所已為國矣。願君節之也。

景公飲酒七日不納弦章之言，晏子諫第四

景公飲酒七日七夜不止弦章諫曰君欲飲酒
七日七夜章願君廢酒也不然章賜死晏子入
見公曰章諫吾曰願君之廢酒也不然章賜死
如是而聽之則臣爲制也不聽又愛其死晏子
曰幸矣章遇君也今章遇桀紂者章死久矣于
是公遂廢酒

景公飲酒不恤天災致能歌者晏子諫第五
景公之時霖雨十有七日公飲酒日夜相繼晏
子請發粟于民三請不見許公命栢遽巡國致

能歌者晏子聞之不說遂分家粟于氓致任器
于陌徒行見公曰十有七日矣懷實鄉有數十
飢氓里有數家百姓老弱凍寒不得短褐飢餓
不得糟糠敝屣無走四顧無告而君不卹日夜
飲酒令國致糞不已馬食府粟狗饜芻豢三保
之妾俱足深內狗馬保妾不已厚乎民氓百姓
不亦薄乎故田疇窮而喪告無樂有上矣饑餓而
無告無樂有下矣嬰奉數之筴臣隨百官之吏
民饑餓窮約而無告使上淫而失本而不卹嬰

之罪大矣再拜稽首請身而去遂走而出公從之兼于塗而不能逮令趣駕追晏子其家不及粟米盡于氓任器存于陌公駭及之康內公下車從晏子曰寡人有罪夫子倍棄不援寡人不足且有約也夫子不顧社稷百姓乎願夫子之幸存寡人寡人請奉齊國之粟米財貨委之百姓多寡輕重惟天子之令遂拜于途晏子乃返命稟巡氓家有布縷之本而絕食者使有終月之委絕本之家以有朞年之食無委積之氓與

之新撻使足官畢霖雨令招巡氓家室不能禦者予之金巡求氓寡用財乏者死三日而畢後者若不用今之罪公出舍饋肉撤酒馬不食府菜狗不食飢肉辟拂囂齊酒徒減賜三日吏告畢上貧氓萬七千家用粟九十七萬鐘新撻萬三千乘懷寶二千七百家用金三千公然後就內退食琴瑟不張鐘鼓不陳晏子請左右與可令歌舞足已留思虞者退之辟拂三千謝于下陳人待三士侍四出之關外也

景公夜聽新樂而不朝晏子諫第六

晏子朝杜扁望羊待于朝晏子曰君奚故不朝對曰君夜發不可止晏子曰何故對曰梁丘據扁入歌人虞變齊音晏子退朝命宗祝修禮而拘虞公聞之而怒曰何故而拘虞晏子曰臣新樂淫君公曰諸侯之事百官之政寡人願以請子酒禮之味金石之聲願夫子無與焉夫樂何夫必攻哉對曰夫樂正而禮從之禮正而政從之政正而國從之國衰則懼君之逆政之行有

歌紂作北里幽厲之聲顧夫淫呂鄙而借亡君奚輕變夫故哉公曰不幸有社稷之業不擇言而出之請受命矣

景公燕賞無功而罪有司晏子諫第七

景公燕賞于國內萬鍾者三千鍾者五令三出而職計莫之從○一作職計筭之并下七師亦同○公怒令免職計令三出而士師莫之從公不說晏子見公謂晏子曰寡人聞君國者愛人則能利之惡人則能疏之今寡人愛人不能利

惡人不能疏失君道矣晏子曰嬰聞之君正臣從謂之順君僻臣從謂之逆今君賞讒諛之民而令吏必從則是使君失其道臣失其守也先王之立愛臣勸善也其立惡臣禁暴也昔者三代之興也利于國者愛之害于國者惡之故明所愛而賢良衆明所惡而邪僻滅是臣天下治平百姓和集及其衰也行安簡易身安逸樂順于已者愛之逆于已者惡之故明所愛而邪僻繁明所惡而賢良滅離散百姓危覆社稷君上

不度聖王之興而下不觀情君之衰臣懼君之逆政之行有司不敢爭臣覆社稷危宗廟公曰寡人不知也請從士師之策國內之祿所收者三也

景公信用讒佞賞罰失中晏子諫第八

景公信用讒佞賞無功罰不辜晏子諫曰臣聞明君望聖人而信其教不聞聽讒佞臣誅賞今與左右相悅頌也曰比死者勉爲樂乎吾安能爲仁而愈黥民耳矣故內寵之妾迫奪于國外

寵之臣矯奪于鄙執瀆之吏並荷百姓民愁苦
約病而姦驅尤佚隱情奄惡蔽諂其上故雖有
至聖大賢豈能勝若讒哉是臣忠臣之常有災
傷也臣聞古者之士可與得之不可與失之可
與進之不可與退之臣請退之矣遂鞭而馬出
公使韓子休追之曰孤不仁不能順教臣至此
極夫子休國馬而往寡人將從而後晏子遂鞭
馬而返其僕曰嚮之去何速今之返又何速晏
子曰非子之所知也公之言至矣

景公愛嬖妾隨其所欲晏子諫第九

翟王子羨臣于景公呂重馮公觀之而不說也
嬖人嬰子欲觀之公曰及晏子寢病也居囹中
臺上以觀之嬰子說之因為之請曰厚祿之公
許諾晏子起病而見公公曰翟王子羨之駕寡
人甚說之請使之示乎晏子曰駕御之事臣嬰
職焉公曰寡人一樂之是欲祿之呂萬鍾其足
乎對曰昔衛士東野之駕也公說之嬰子不說
公曰不說遂不觀今翟王子羨之駕也公不說

嬰子說公因悅之為請公許之則是婦人為制也且不樂治人而樂治馬不厚祿賢人而厚祿御夫昔者先君桓公之地狹于今修法治廣政教呂霸諸侯今君一諸侯無能親也歲凶年饑道途死者相望也君不此憂耻而惟圖耳目之樂不修先君之功烈而惟飾駕御之伎則公不顧民而忘國其矣且詩曰載駉載駟君子所誡夫駕八固非制也今又重里此其為非制也不滋甚乎且君苟美樂之國必衆為之田獵則不便

道行致遠則不可然而用馬數倍此非御下之道也淫于耳目不當民務此聖王之所禁也君苟美樂之諸侯必或效我君無厚德善政呂被諸侯而易之以僻此非所呂子民彰名致遠親隣國之道也且賢良廢滅孤寡不振而聽嬖妾以祿御夫呂蓄怨與民為讐之道也詩曰哲夫成城哲婦傾城今君不免成城之求而惟傾城之務國之二日至矣君其圖之公曰善遂不復觀乃罷歸翟王子羨而疏嬖人嬰子

景公敕五子之傳而失言晏子諫第十

景公有男子五人所使傳之者皆有車百乘者也晏子爲一焉公召其傳曰勉之將呂而所傳爲子及晏子晏子辭曰君命其臣據其肩呂盡其力臣敢不勉乎今有之家此一國之權臣也人人以君命命之曰將呂而所傳爲子此離樹別黨傾國之道也嬰不敢受命顧君圖之

景公欲廢適子陽生而立荼晏子諫第十一
子人納女于景公生孺子荼景公愛之諸臣

謀欲廢公子陽生而立荼公呂告晏子晏子曰不可夫以賤匹貴國之害也置大立少亂之本也夫陽生而長國人戴之君其勿易夫服位有等故賤不陵貴立子有禮故孽不亂宗願君教荼呂禮而勿陷于邪導之呂義而勿湛于利長少行其道宗孽得其倫夫陽生敢毋使荼饜梁肉之味玩金石之聲而有患乎廢長立少不可呂教下尊孽卑宗不可以利所愛長少無等宗孽無別是設賊樹姦之本也君其圖之古之明

君非不知繁樂也。君為樂淫則哀非不知立憂也。君義失則憂是故制樂以節。立子君道若夫恃讒諛以事君者不足。君責信今君用讒人之謀聽亂夫之言也。廢長之少臣恐後人之有因君之過。君資其邪廢少而立長。君成其利者君其圖之。公不聽。景公沒田氏殺君荼立陽生殺陽生立簡公殺簡公而取齊國。

景公病久不愈欲誅祝史。君謝晏子諫第十

二

景公疥且瘡暮年不已。召會譴梁丘據晏子而問焉。曰寡人之病病矣。使史固與祝佗巡山川宗廟犧牲珪璧莫不備具。數其常多。先君桓公桓公一則寡人再病不已。滋甚。予欲殺二子者。君說于上帝其可乎。會譴梁丘據曰。可。晏子不對。公曰。晏子何如。晏子曰。君君祝為有益乎。公曰。然。若君為有益則詛亦有損也。君疏輔而遠拂。忠臣擁塞諫言不出。臣聞之近。臣嘿遠。臣瘖。衆口鑠金。今自聊揖。君東姑尤。君西者此其人。

民來矣百姓之咎怨誹謗詛君于上帝者多矣
一國詛兩人祝雖善祝者不能勝也且夫祝直
言情則謗吾君也隱匿過則欺上帝也上帝神
則不可欺上帝不神祝亦無益願君察之也不
然刑無罪夏商所已滅也公曰善鮮予惑加冠
命會譴毋治齊國之政梁丘據毋治賓客之事
兼屬之乎晏子晏子辭不得命受相退把政政
月而君病悛公曰昔吾先君桓公呂管子爲有
力邑狐與穀呂共宗廟之鮮賜其忠臣則是多

忠臣者子今忠臣也寡人請賜子州欵辭曰管
子有一美服不如也有一惡嬰不忍爲也其宗
廟之養鮮也終辭而不受

景公怒封人祝之不遜晏子諫第十三

景公遊于麥丘問其封人曰年幾何矣對曰鄙
人之年八十五矣公曰壽哉子其祝我封人曰
使君之年長于胡宜國家公曰善哉子其復之
曰使君之嗣壽若鄙臣之年公曰善哉子其
復之封人曰使君無得罪于民公曰誠有鄙民

得罪于君則可安有君得罪于民者乎晏子諫曰君過矣彼疏者有罪戚者治之賤者有罪貴者治之君得罪于民誰將治之敢問桀紂君誅乎民誅乎公曰寡人固也于是賜封人麥丘呂爲邑

景公欲使楚巫致五帝呂明惠晏子諫第十

四

楚巫微導齋款呂見景公侍坐三日景公說之楚巫曰公明神主之帝王之君也公即位有七

年矣壽木大濟者明神未至也請致五帝呂明君使景公拜拜稽首定巫曰請巡國郊呂觀帝位至牛山而不敢言曰五帝之位在于國南詰憲而後登之公命有官供齋具于楚巫之所齋款使惠晏子聞之而見于公曰公令楚巫齋牛山乎公曰然致五帝呂明寡人之惠神將降福于寡人其有所濟乎晏子曰君之言過矣古之王者得厚足且安世行廣足且容衆諸侯戴之臣爲君長百姓歸之臣爲父母是故天地四

時和而不失星辰日月順而不亂惠厚行廣配
天象皆然後為帝王之君神明之主古者不慢
行而繁祭不輕身而恃巫今政亂而行僻而求
五帝之明德也卑賢而用巫而求帝王之在身
也夫民不荷德福不荷降君之帝王不亦難乎
惜夫君位之由所論之卑也公曰裔歎曰楚巫
命寡人曰然嘗見而視焉寡人見而說之信其
道行其言今人子譏之請逐楚巫而拘裔歎晏
子曰楚巫子則山公一國政在曰楚巫出諸侯

必或受之公信之呂過于內不知出呂易諸侯
于外不仁請東楚巫而拘裔歎公曰謀故曰送
楚巫于東而拘裔歎于國也

景公欲祠靈山河伯呂請雨晏子諫第十五
齊大旱逾昔景公召群臣問曰天不雨久矣民
且有饑色吾使人卜云祟在高山廣水寡人欲
少賦斂臣祠靈山可乎群臣莫對晏子進曰不
可祠此無益也夫靈山固巨石為身呂草木為
髮天久不雨髮將焦身將熱彼獨不欲雨乎祠

之喪益公曰不然吾欲祠河伯可乎晏子曰不可河伯曰水爲國曰魚鱉爲民天久不雨泉將下百川竭國將亡民將滅矣彼獨不欲雨乎祠之何益景公曰今爲之柰何晏子曰君誠避宮殿暴露與靈山河伯共憂其幸而雨乎于是景公出野居暴露三日天果大雨民盡得種時景公曰善哉晏子之言可無用乎其維有德

景公貧長有國之樂晏子諫第十六

景公將觀于淄上與晏子閒立公喟然歎曰嗚

呼使國可長保而傳于子孫豈不樂哉晏子對曰嬰聞明王不徒立百姓不虐至今君曰政亂國曰行棄民久矣而聲欲保之不亦難乎嬰聞之能長保國者能終善者也諸侯並立能終善者爲長列士並學能終善者爲師昔先君桓公其方任賢而贊真之時亡國恃以存危國仰曰安是曰民樂其政而世高其真行遠征暴勞者不疾驅海內使朝天子而諸侯不怨當是時盛君之行不能進焉及其卒而衰怠于惠而并于

樂身溺于婦侍而謀因豎刁是臣民苦其政而世非其行故身死乎胡宮而不舉蟲出而不收當是時也桀紂之卒不能惡焉詩曰靡不有初鮮克有終不能終善者不遂其君今君臨民若寇讐見善若避熱亂政而危賢必逆于衆肆欲于民而誅震于下恐及下身嬰之年老不能待于君使矣行不能革則持節以沒世耳

景公登牛山悲去國而死晏子諫第十七

景公遊于牛山北臨其國城而流涕曰若何滂

滂去此而死乎艾孔深丘據皆從而泣晏子獨笑于旁公刷涕而顧晏子曰寡人今日游悲孔與據皆從寡人而涕泣子之獨笑何也晏子對曰使賢者常守之則太公桓公將常守之矣使勇者常守之則莊公靈公將常守之矣數君者將守之則吾君安得此位而立焉君其迭處之迭去之至于君也而獨爲之流涕是不仁也不仁之君見一諂諛之臣見二此臣之所曰獨竊笑也

景公遊公阜一日有三過言晏子諫第十八

景公出遊于公阜北面望睹齊國曰嗚呼使古而與死何如晏子曰昔者上帝昌人之沒爲善仁者息焉不仁者伏焉若使古而與死丁公太公將有齊國桓襄文武將皆相之君將戴笠衣褐執鋤耨呂蹲行畎畝之中孰暇患死公忿然作色不說與幾何而梁丘據御六馬而來公曰是誰也晏子曰據也公曰何如曰大暑而疾馳甚者馬死薄者馬傷非據孰敢爲之公曰據與

我和者夫晏子曰此所謂同也所謂和者君甘則臣酸君淡則臣鹹今據也甘君亦甘所謂同也安得爲和公忿然作色不悅與幾何日暮公西面望睹彗星召伯常騫使禳去之晏子曰不可此天教也日月之氣風雨不嘗彗星之出天爲民之亂見之故詔之妖祥呂戒不敬今君若設文而受諫謁聖賢人雖不去彗星將自亡今君嗜酒而并于樂政不飾而寬于小人近讒好優惡文而疏聖賢人何暇在彗第又將見矣公

忿然作色不悅及晏子卒公出背而立曰嗚呼
昔者從夫子而游公阜夫子一日而三責我今
今責寡人哉

景公游寒途不卹死齒晏子諫第十九

景公出遊于寒塗睹死齒默然不問晏子諫曰
昔吾先君桓公出遊睹饑者與之食睹疾者與
之財使令不勞力籍歛不費民先君將遊百姓
皆悅曰君當幸游吾鄉乎今君游于寒塗據四
十里之氓殫財不足曰奉歛盡力不能周役民

氓殫財凍餒死齒相望而君不問失君道矣財
屈力竭下媿呂親上驕泰矣後上媿呂親下上
下交離君臣媿親此三代之所呂衰也今君行
之嬰懼公族之危呂為異姓之福也公曰然為
上而忘下厚藉歛而忘民吾罪大矣于是歛死
齒發粟于民據四十里之氓不服政其年公三
月不出游

景公衣狐白裘不知天寒晏子諫第二十

景公之時雨雪三日而不霽公被狐白之裘坐

堂側陞晏子入見立有問公曰恠哉雨雪三日而天不寒晏子對曰天不寒乎公笑晏子曰嬰聞古之賢君飽而知人之饑溫而知人之寒逸而知人之勞今君不知也公曰善寡人聞命矣乃令出裘發粟與饑寒今所睹于塗者嬰問其鄉所睹于里者嬰問其家佃國計數嬰言其名士既事者兼月疾者兼歲孔子聞之曰晏子能明其所欲景公能行其所善也

景公異於感守虛而不亡晏子諫第二十一

景公之時災惑守于虛暮年不夫公異之召晏子而問曰吾聞之人行善者天當之不行不善者天殃之災惑天罰也今留虛其劬當之晏子曰齊當之公不說曰天下大國十一皆曰諸侯齊獨何呂當晏子曰虛齊野也且天之下殃固于富疆為善不用出政不行賢人佞遠護人反昌百姓疾怨自為祈祥錄錄疆食進死何傷是呂列舍毋次變星有芒災惑回逆彗星在旁有賢不用安得不亡公曰可去乎對曰可致者可去

不可致者不可去公曰寡人爲之若何對曰盍去寃聚之獄使反田矣散百官之財施之民矣振孤寡而敬老人矣夫若是者一日惡可去何獨是孽乎公曰善行之三月而災恐遷

景公將伐宋夢二丈夫立而怒晏子諫第二

十二

景公舉兵將伐宋師過泰山公嘗見二丈夫立而怒其怒甚盛公恐覺辟門及旦占蓍者至公曰今夕吾夢二丈夫立而怒不知其所言其怒甚

盛吾猶識其狀識其聲占蓍者曰師過泰山而不用事故泰山之神怒也請趣召祝史祠乎泰山則可公曰諾明日晏子朝見公告之如上占蓍之言也公曰占蓍者之言曰師過泰山而不用事故泰山之神怒也今使人召祝史祠之晏子俯有間對曰占蓍者不識也此非泰山之神是宋之先湯與伊尹也公疑呂爲泰山神晏子曰公疑之則嬰請言湯伊尹之狀也湯質皙而長顏巨髯允上豐下倨身而揚聲公曰然是已伊

尹黑而短蓬而髯豐上兌下僂身而下聲公曰
然是已今若何晏子曰夫湯太甲武丁祖乙天
下之盛君也不宜喪後今惟宋耳而公伐之故
湯伊尹怒請散師呂平宋景公不用終伐宋晏
子公曰伐喪罪之國以怒明神不易行呂續蓄
進師呂近過非嬰所知也師若果進軍必有歿
軍進再舍鼓毀將殪公乃辭乎晏子散師不果
伐宋

景公從吹十八日不返國晏子諫第二十三

景公畋于畧梁十有八日而不返晏子自國往
見公比至衣冠不正不韋衣冠望游而馳公望
見晏子下而急帶曰夫子何爲遽國家喪有故
乎晏子對曰不亦急也雖然嬰願有復也國人
皆曰君爲安野而不安國好獸而惡民毋乃不
可乎公曰何哉吾爲夫婦獄訟之不正乎則泰
士子牛存矣爲社稷宗廟之不享乎則泰祝子
游存矣爲諸侯賓客莫之應乎則行人子羽存
矣爲田野之不辟倉庫之不實則申田存焉爲

國家之有餘不足聘乎則吾子存矣寡人之有五子猶心之有四支心有四支故心得佚焉今寡人有五子故寡人得佚焉豈不可哉晏子對曰嬰聞之與君言異若乃心之有四支而心得佚焉可得令四支媿心十有八日不亦久乎公于是罷政而歸

景公欲誅駭鳥野人晏子諫第二十四

景公射鳥野人駭之公怒令吏誅之晏子曰野人不知也臣聞賞媿功謂之亂罪不知謂之震


兩者先王之禁也呂飛鳥犯先王之禁不可今君不明先王之制而無仁義之心是以從欲而輕誅夫鳥獸固人之養也野人駭之不亦宜乎公曰善自今已後弛鳥獸之禁媿呂苛民也

景公使圉人養所愛馬暴死公怒令人操刀解養馬者是時晏子侍前左右執刀而進晏子止而問于公曰堯舜支解人從何軀始公矍然曰從寡人始遂不支解公曰呂屬獄晏子曰此不


知其罪而死臣為君數之使知其罪然後致之
獄公曰可晏子數之曰○或作景公有馬其圉
人殺之公怒援將自擊之晏子曰此不其罪而
死臣請為君數之令知其罪而殺之公曰諾晏
子舉戈而臨之曰云云○爾罪有三公使汝養
馬而殺之當死罪一也又殺公之所最善馬當
死罪二也使公以一馬之故而殺人百姓聞之
必怨吾君諸侯聞之必輕吾國汝殺公馬使怨
積于百姓兵弱于隣國汝當死罪三也今日屬

也獄公喟然嘆曰夫子釋之夫子釋之勿傷吾仁

晏子春秋內篇諫上第壹終



國家圖書館, NATIONAL CENTRAL LIBRARY, TAIWAN, R.O.C.



晏子春秋篇諫下第二九二十五章

景公籍重而獄多欲託晏子晏子諫第一

景公欲殺犯所愛之槐者晏子諫第二

景公逐得斬竹者囚之晏子諫第三

景公以博治之兵未成功將殺之晏子諫

第四

景公冬起大臺之役晏子諫第五

景公為長廩藉欲美之晏子諫第六

景公為鄒之長塗晏子諫第十



景公春夏游獵興役晏子諫第八

景公獵休坐地晏子席而諫第九

景公獵逢蛇虎以爲不祥晏子諫第十

景公爲臺成文欲爲鐘晏子諫第十一

景公爲泰呂成將以燕饗晏子諫第十二

景公爲履而飾以金玉晏子諫第十三

景公欲以聖王居服而致諸侯晏子諫第十四

十四

景公自矜冠裳遊處之貴晏子諫第十五

景公爲巨冠長衣以聽朝晏子諫第十六

景公朝居嚴下不言晏子諫第十七

景公登路寢臺不終不說晏子諫第十八

景公登路寢臺望國而嘆晏子諫第十九

景公路寢臺成逢于何願合葬晏子諫而

許第二十

景公嬖妾死守之三日而不斂晏子諫第

二十一

景公欲厚葬梁丘據晏子諫第二十二

景公欲以人禮葬走狗晏子諫第二十三
景公養勇士三人嬖君臣之義晏子諫第

二十四

景公登射思勇力士與之圖晏子諫第二

十五

景公藉重而獄多欲託晏子晏子諫第一
景公藉重而獄多拘者滿圜怨者滿朝晏子諫
公不聽公謂晏子曰夫獄國之重官也願託之
夫子晏子對曰君將使嬰勅其功乎則嬰有壹

妄能書足以治之矣君將使嬰勅其意乎夫民
歟欲殘其家室之生以奉暴上之僻者則君使
吏比而焚之而已矣景公不悅曰勅其功則使
一妄勅其意則比焚如是夫子歟所謂能治國
乎晏子曰嬰聞與君異今夫胡貉戎狄之蓄狗
也多者十有余寡者五六然不相害傷今束鷄
豚妄投之其折骨決皮可立得也且夫上正其
治下審其論則貴賤不相踰越今君舉千鍾爵
祿而妄投之于左右左右爭之甚于胡狗而公

不知也寸之管與當天不能足之以粟今齊國丈夫畊女子織夜以接日不足以奉上而君側皆彫文刻鏤之觀此喪當之管也而君終不知五尺童子操寸之煙天下不能足以薪今君之左右皆操煙之徒而君終不知鍾鼓成肆干戚成舞雖禹不能禁民之觀且夫飾民之欲而嚴其聽禁其心聖人所難也而况奪其財而饑之勞其力而疲常致其苦而嚴聽其獄誅其罪非嬰所知也

景公欲殺犯所愛之槐者晏子諫第二

景公有所愛槐令吏謹守之植木縣之下令曰犯槐者刑傷之者死有不聞令醉而犯之者公聞之曰是先犯我令使吏拘之且加罪焉其子往辭晏子之家託曰負廓之民賤妾請有道于相國不勝其欲願得充數乎下陳晏子聞之笑曰嬰其淫于色乎何爲老而見犇雖然是必有故今內之女子入門晏子望見之曰恠哉有深憂進而問焉曰所憂何也對曰君樹槐縣令犯

之者刑傷之者死妾父不仁不聞令醉而犯之
吏將加罪焉妾聞之明君蒞國立政不損祿不
益刑又不曰私惠害公濫不為禽獸傷人民不
為草木傷禽獸不為野草傷禾苗吾君欲以樹
木之故殺妾父孤妾身此令行于民而法于國
矣雖然妾聞之勇士不曰衆疆凌孤獨明惠之
君不拂是曰行其所欲此譬之猶自治魚鱉者
也去其腥臊者而已昧墨與人比居使肆而教
人危坐今君出令于民苟可濫乎國而善益于

後世則父死亦當矣妾為之叔亦宜矣甚乎今
之令不然以樹木之故罪法妾父妾恐其傷察
吏之法而害明君之義也隣國聞之皆謂吾君
愛樹而賤人其可乎願相國察妾言以裁犯禁
者晏子曰甚矣吾將為子言之于君使人送之
歸明日蚤朝而復于公曰嬰聞之窮民財力以
供嗜欲謂之暴崇玩好威嚴擬乎君謂之逆刑
殺不辜謂之賊此三者守國之大殃今君窮民
財力以羨餒食之貝繁鍾鼓之樂極宮室之觀

行暴之大者崇玩好縣愛槐之令載過者馳步
過者趨威嚴擬乎君逆之明者也犯槐者刑傷
槐者死殺不稱賊民之深者君享國德行未見
于衆而二辟著于國嬰恐其不可以莅國子民
也公曰微大夫教寡人幾有大罪以累社稷今
子大夫教之社稷之福寡人受命矣晏子出公
令趣罷守槐之役拔置縣之木廢傷槐之法出
犯槐之囚

景公逐得斬竹者囚之晏子諫第三

景公樹竹令吏謹守之公出過之有斬竹者焉
公以車逐得而拘之將加罪焉晏子入見曰公
亦聞吾先君丁公乎公曰何如晏子曰丁公伐
曲沃勝之止其財出其民公曰自蒞之有輿死
人以出者公恠之令吏視之則其中金與玉焉
吏請殺其人收其人下公曰以兵降城以衆圍
財不仁且吾聞之人君者寬惠慈衆不身傳誅
令捨之公曰善晏子退公令出斬竹之囚

景公以搏治之兵未成功將殺之晏子諫第

景公令兵搏治當臈冰月之間而寒民多凍餒而功不成公怒曰爲我殺兵二人晏子曰諾少爲閒晏子曰昔者先君莊公之伐于晉也其役殺兵四人今令而殺兵二人是殺師之半也公曰諾是寡人之過也令止之

景公冬起大臺之役晏子諫第五

晏子使于魯比其返也景公使國大起大臺之役歲寒不已凍餒之者鄉有焉國人望晏子晏

子至已復事公廼坐飲酒樂晏子曰君若賜臣臣請歌之歌曰庶民之言曰凍水洗我若之何太上靡散我若之何歌終喟然歎而流涕公就止之曰夫子曷爲至此殆爲大臺之役夫寡人將速罷之晏子再拜出而不言遂如大臺執朴鞭其不務者曰吾細人也皆有蓋廬以避燥濕君爲壹臺而不速成何爲國人皆曰晏子助天爲害晏子歸未至而君出令趣罷役車馳而人趨仲尼聞之喟然嘆曰古之善爲人臣者聲名

歸之君禍災歸之身入則切磋其君之不善出則高譽其君之德義是曰雖事惰君能使垂衣裳朝諸侯不敢伐其功當此道者其晏子是耶

景公為長庖欲美之晏子諫第六

景公為長庖庖舍也將欲美之有風雨作公與晏子入坐飲酒致堂上之樂酒酣晏子作歌曰穗乎不得穫秋風至兮殫零落風雨之弗殺也太上之靡弊也歌終顧而流涕悲窮而舞公就晏子而止之曰今日夫子為賜而誠于寡人是寡

人之罪遂廢酒罷役不果成長庖

景公為鄒之長塗晏子諫第七

景公築路寢之臺三年未息又為長庖之役二年未息又為鄒之長塗晏子諫曰百姓之力勤矣公不息乎公曰塗將成矣請成而息之對曰明君不屈民財者不得其利不窮民力者不得其樂昔者楚靈王作傾宮三年未息也又為章華之臺五年又不息也乾溪之役八年百姓之力不足而息也靈王死于乾溪而民不與君歸

今君不遵明君之義而循靈王之跡嬰懼君有暴民之行而不睹長床之樂也不若息之公曰善非夫子者寡人不知得罪于百姓深也于是令勿委壞餘財勿叔斬板而去之

景公春夏游獵興役晏子諫第八

景公春夏游獵又起大臺之役晏子諫曰春夏起役且游獵奪民農昔國家空虛不可景公曰吾聞相賢者國治臣忠者主逸吾年幾幾矣欲遂吾所樂卒吾所好子其息矣晏子曰昔文王

不敢盤游于田故國昌而民安楚靈王不廢乾溪之役起章華之臺而民叛之今君不革將危社稷而為諸侯笑臣聞忠不避死諫不違罪君不聽臣臣將遊矣景公曰唯唯將弛罷之未幾朝韋罔解役而歸

景公獵休坐地晏子席而諫第九

景公獵休坐地而食晏子後至左右滅葭而席公不說曰寡人不席而坐地二三子莫席而子獨搴草而坐之何也晏子對曰臣聞介冑坐陣

不席獄訟不席尸坐堂上不席三者皆憂也故不敢以憂侍坐公曰諾令人下席曰大夫皆席寡人亦席矣

景公獵逢蛇虎以為不祥晏子諫第十

景公出獵上山見虎下澤見蛇歸召晏子而問之曰今日寡人出獵上山則見虎下澤則見蛇殆所謂不祥也晏子對曰國有三不祥是不與焉夫有賢而不知一不祥知而不用二不祥用而不任三不祥也所謂不祥乃若此者今上山

見虎虎之室也下澤見蛇蛇之穴也如虎之室如蛇之穴而見之曷為不祥也

景公為臺成又欲為鐘晏子諫第十一

景公為臺臺成又欲為鐘晏子諫曰君國者不樂民之哀君不勝欲既築臺矣今復為鐘是重斂于民民必哀矣夫斂民之哀而以為樂不祥非所以君國者公乃止

景公為泰呂成將以饗晏子諫第十二

景公泰呂成謂晏子曰吾欲與夫子燕對曰未

祀先君而以燕非禮也公曰何以禮為對曰夫禮者民之紀紀亂則民失亂紀失民危道也公曰善乃以祀焉

景公為履飾以金玉晏子諫第十三

景公為履黃金之綦飾以銀連以珠良玉之胸其長尺冰月服之以聽朝晏子朝公迎之履重僅能舉足問曰天寒乎晏子曰君奚問天之寒也古聖人製衣服也冬輕而暖夏輕而清今君之履冰月服之是重寒也履重不節是過任也

失生之情矣故魯工不知寒溫之節輕重之量以害正生其罪一也作服不常以笑諸侯其罪二也用財無功以怨百姓其罪三也請拘而使吏度之公苦請釋之晏子曰不可嬰聞之苦身為善者其賞厚苦身為非者其罪重公不對晏子出令吏拘魯工令人送之境吏不得入公撤履不復服也

士景公欲以聖王之居服而致諸侯晏子諫第

景公問晏子曰吾欲服聖王之服居聖王之室
如此則諸侯其至乎晏子對曰法其節儉則可
法其服居其室無益也三王不同服而王非以
服致諸侯也誠于愛民果于行善天下懷其惠
而歸其義若其衣服節儉而衆悅也夫冠足且
修敬不務其飾衣足以掩形禦寒不務其美衣
不務于隅胝之削冠無觚羸之理身服不雜綵
首服不鏤刻且古者嘗有紕衣纓領而王天下
者其義好生而惡殺節上而羨天下不朝其

服而共歸其義古者嘗有處櫓巢窟穴而不惡
予而不取天下不朝其室而共歸其仁及三代
作服爲益敬也首服足以修敬而不重也身服
足以行潔而不害于動作服之輕重便于身用
財之費順于民其不爲櫓巢者以避風也其不
爲穴者以避濕也是故明堂之制下之潤濕不
能及也上之寒暑不能入也土事不文木事不
鏤示民之節也及其衰也衣服之侈過足呂敬
宮室之美過避潤濕用力甚多用則甚費與民

為讐今君欲法聖王之服不法其制法其節儉也則雖未成治庶其有益也今君第臺榭之高極汙池之深而不止務于刻鏤之巧文章之觀而不厭則亦與民而讐矣若臣之慮恐國之危而公不平也公乃願致諸侯不亦難乎公之言過矣

景公自矜冠裳遊處之貴晏子諫第十五

景公為西曲潢其深滅軌高三仞橫木龍蛇立木鳥獸公衣黼黻之衣素繡之裳衣而五彩

具焉帶球玉而冠曰被髮亂首南面而立傲然晏子見公曰昔仲父之霸何如晏子抑首而不對公又曰昔管文仲之霸何如晏子對曰臣聞之維翟人與龍蛇比今君橫木龍蛇立木鳥獸亦室一就矣何暇在霸哉且公伐宮室之美矜衣服之麗一衣而五彩具焉帶球玉而亂首被髮亦室一容矣萬乘之君而壹心于邪君之覓魄亡矣以誰與圖霸哉公下堂就晏子曰梁丘據裔欵以室之成告寡人是臣竊襲此服與據

爲笑又使夫子及寡人請改室易服而敬聽命其可乎晏子曰夫二子營君曰邪公安得知道哉且伐木不自其根則孽又生也公何不去二子者毋使耳目淫焉

景公巨冠長衣以聽朝晏子諫第十六

景公爲巨冠長衣以聽朝疾視矜立曰晏不罷晏子進曰聖人之服中侑而不駟可以導衆其動作侑順而不逆可曰奉生是以下皆法其服而民爭學其容今君之服駟華不可曰導衆民

疾視矜立不可以奉生日晏矣君不若脫服就燕公曰寡人受命退朝遂去衣冠不復服

景公朝居嚴下不言晏子諫第十七

晏子朝復於景公曰朝居嚴乎公曰嚴居朝則害曷於治國家哉晏子對曰朝居嚴則下無言下無言則上無聞矣下無言則無謂之瘖上無聞則吾謂之聾聾瘖非害國家而如何也且合升鼓之微以滿倉廩合疏縷之緜以成帷幕太山之高非一石也累卑然後高夫下者非用一

上之言也固有受而不用惡有拒而不受者哉

景公登路寢臺不終不悅晏子諫第十八

景公登路寢之臺不能終而息乎陛忿然而作色不悅曰孰為高臺病人之甚也晏子曰君欲節於身而勿高使人高之而勿罪也今高從之以罪卑亦從以罪敢問使人如此可乎古者之為宮室也足乎以便生不目為奢侈也故節於身謂於民及夏之衰也其王桀背棄惠行為瑯室王門殷之衰也其王紂作為傾宮靈臺卑狹

者有罪高大者有賞是以身及焉今君高亦有罪卑亦有罪甚於夏殷之王民力殫乏矣而不免於罪嬰恐國之流失而公不得亨也公曰善寡人自知誠費財勞民以為無功又從而怨之是寡人之罪也非夫子之教豈得守社稷哉遂下再拜不果登臺

景公登路寢臺望國而歡晏子諫第十九

景公與晏子登寢而望國公愀然而歎曰使後嗣世世有此豈不可哉晏子曰臣聞明君必務

正其治以事利民然後子孫享之詩云武王豈不事貽厥孫謀曰燕翼子今君處佚怠逆政害民有日矣而猶出若言不亦甚乎公曰然則後世孰將把齊國對曰服牛死夫婦笑非骨肉之親也爲其利之大也欲知把齊國者則其利之者耶公曰然何曰易對曰移之以善政今公之牛馬老於欄牢不勝服也車蠹於巨戶不勝乘也衣裘儒袴朽弊於藏不勝衣也醢醢腐不勝沽也酒醴酸不勝飲也府粟鬱而不勝食又厚

藉斂於百姓而不曰分餒民夫藏財而不用凶也財苟失守下其報環至其次昧財之失守委而不曰分人者百姓必進自分也故君人者與其請於人不如於請已也

景公路寢臺成逢於何願合葬晏子諫而許

第二十

景公成路寢之臺逢於何遭喪遇晏子於途再拜乎馬前晏子下車挹之曰子何曰命嬰也對曰於何之母死也

骨安子曰嘻難哉雖然嬰將爲子復之適爲不
得子將若何對曰夫君子則有以如我者儼小
人吾將左手擁格右手梱心立餓枯槁而死以
告四方之士曰於何不能葬其母者也晏子曰
諾遂入見公曰有逢於何者毋死垤在路寢當
如之何願請合骨公作色不悅曰古之及今子
亦嘗聞請葬人主之宮者乎晏子對曰古之人
君其室宮節不侵生民之居臺榭儉不殘死人
之墓故未嘗聞諸請葬人主之宮者也今君侈

爲宮室奪人之居廣爲臺榭殘人之墓是生者
愁憂不得安處死者離易不得合骨豐樂侈遊
兼傲生死非人君之行也遂欲滿求不顧細民
非存之道且嬰聞之生者不得安命之曰蓄憂
死者不得葬命之曰蓄哀蓄憂者怨蓄哀者危
君不如許之公曰諾晏子出梁丘據曰自昔及
今未嘗聞求葬公宮者也若何許之公曰削人
之居殘人之墓凌人之喪而禁其葬是於生者
施於死者喪禮詩云穀則異室死則同穴吾敢

不許乎逢於何遂葬其母路寢之牖下解衰去
經布衣滕履玄冠此武踊而不哭躄而不拜已
乃涕洟而去

景公嬖妾死守之三日不斂晏子諫第二十

景公之嬖妾嬰子死公守之三日不食虜著于
席不去左右以復而君歿聽焉晏子入復曰有
術客與醫俱言曰聞嬰子病死願請治之公喜
遽起曰病猶可爲乎晏子曰客之道也以爲良

醫也請嘗試之君請屏潔沐浴飲食間病者之
官彼亦將有鬼神之事焉公曰諾屏而沐浴晏
子令棺人入斂已斂而復曰醫不能治病已殮
矣不敢不以聞公作色不說曰夫子以醫命寡
人而不使視將斂而不以聞吾之爲君名而已
矣晏子曰君獨不知死者之不可以生耶嬰聞
之君正臣從謂之順君僻臣從謂之逆今君不
道順而行僻從邪者邇導害者遠讒諛萌通而
賢良廢滅是以謫諛繁於間邪行交於國也昔

吾先君桓公用管仲而霸變乎豎刁而滅今君
薄於賢人之禮而厚嬖妾之哀且古聖王畜私
不傷行殮死不失愛送死不失哀行蕩則溺已
愛失則傷生失則害性是故聖王節之也即畢
殮不留生事棺槨衣衾不曰害生養歎泣處哀
不曰害生道今朽尸以留生廣愛以傷行修哀
以害性君之失矣故諸侯之賓客慙入吾國本
朝之臣慙守其職崇君之行不可曰導民從君
之欲不可以持國且嬰聞之朽而不殮謂之僂

尸臭而不收謂之陳齒反明王之性行百姓之
誹而內嬖妾於僂齒此之爲不可公曰寡人不
識請因夫子而爲之晏子復國之士大夫諸侯
四隣賓客皆在外君其哭而節之仲尼聞之曰
星之昭昭不若月之晻晻小事之成不若大事
之廢君子之非賢於小人之是也其晏子之謂
歟

景公欲厚葬梁丘據晏子諫第二十二

梁公據死景公召晏子而告之曰據忠且愛我

我欲豐厚其葬高大其壟晏子曰敢問據之忠與愛於君者可得聞乎公曰吾有喜於玩好有司未能我其也則據以其所有共我是呂知其忠也每有風雨暮夜求必存吾是以知其愛也晏子曰嬰對則為罪不對則無以事君敢不對乎嬰聞之臣專其君謂之不忠子專其父謂之不孝妻專其夫謂之不嫉事父之道導親於父兄有禮於群臣有惠於百姓有信於諸侯謂之忠為子之道以鍾愛其兄弟施行於諸父慈惠

於衆子誠信於朋友謂之孝為妻之道使其衆妾皆得歡忻於其夫謂之不嫉今四封之民皆君之臣也而維據盡力臣愛君

景公欲以人禮葬走狗晏子諫第二十三

景公走狗死公令外共之棺內給之祭晏子聞之諫公曰亦細物也特曰與左右為笑耳晏子曰君過矣夫厚籍歛不以反民棄貨財而笑左右傲細民之憂而崇左右之笑則國亦無望已且夫孤老凍餒而死狗有祭餼寡不恤而死狗

有棺行辟若此百姓聞之必怨吾君諸侯聞之必輕吾國怨聚於百姓而權輕於諸侯而乃臣為細物君其圖之公曰善趣庖治狗以會朝屬景公養勇士三人喪君臣之義晏子諫第二

十四

公孫接田開疆古冶子事景公以勇力搏虎聞晏子過而趨三子者不起晏子入見公曰臣聞明君之蓄勇力之士也上有君臣之義下有臣事之倫內可臣禁暴外可臣威敵上利其功下

服其勇故尊其位重其祿今君之蓄勇士之力也上喪君臣之義下喪長率之倫內不臣禁暴外不可威敵此危國之器也不若去之公曰三子者搏之恐不得刺之恐不中也晏子曰此皆力攻勅敵之人也喪長幼之禮因請公使人少餽之二桃曰三子何不計功而食桃公孫接仰天而歎曰晏子智人也夫使公之計吾功者不受桃是無勇也士衆而桃寡何不計功而食桃矣接一搏獮而再搏乳虎若接之功可以食桃

而與與人同矣援桃而起田開疆曰吾伏兵而
卻三軍者再若開疆之功亦可以食桃而與與
人同矣援桃而起古冶子曰吾嘗從君濟於河
鼈御左驂以入砥柱之流當是昔也冶少不能
游潛行逆流百步順流九里得鼈而殺之左操
驂尾右挈鼈頭鶴躍而出津人皆曰河伯也若
冶視之則大鼈之首若冶之功亦可以食桃而
與與人同矣二子何不反桃抽劍而起公孫接
田開疆曰吾勇不子若功不子逮取桃不讓是

貪也然而不死無勇也皆反其桃挈領而距古
冶子曰二子死之治獨生之不仁耻人以言而
夸其聲不義恨乎所行不死無勇雖然二子同
槌而節治專桃而宜亦反其槌挈領而死使者
復曰已死矣公殮之以服葬之以士禮焉

景公登射思得勇力與之圖國晏子諫第二

十五

景公登射晏子脩禮而侍公曰選射之禮寡人
厭之矣吾欲得天勇下士與之圖國晏子對曰

君子無禮是庶人也庶人無禮是禽獸也夫勇
多則弑其君力多則殺其長然而不敢者維禮
之謂也禮者所自御民也轡者所以御馬也喪
禮而能治國家者嬰禾之聞也景公曰善迺飾
射更席曰為上客終日問禮

晏子春秋內篇諫下第二終

晏子春秋內篇問上第三九三十一章

莊公問威當世服天下時耶晏子對曰行也

第一

莊公問伐魯晏子對曰不可若不濟國之福

第二

景公問伐魯晏子對曰不若脩政以待其亂

第三

景公伐萊勝之問所當賞晏子對曰謀勝祿

臣第四



景公問聖王之行若何晏子對曰衰世而諷
第五

景公問欲善齊國之政曰于霸王晏子對曰
官未具第六

景公問欲如桓公用管仲曰成霸業晏子對
曰不能第七

景公問昔魯孰先亡晏子曰對曰魯後昔先第
八

景公問治國何患晏子對曰社鼠猛狗第九

景公問欲令祝史求福晏子對以當辭罪而
無求第十

景公問古之盛君其行何如晏子對以問道
者更正第十一

景公問謀必得事必成何術晏子對以度義
因民第十二

景公問善為國家者何如晏子對以舉賢官
能第十三

景公問君臣身尊而榮難乎晏子對以易第

十四

景公問天下之所以存亡晏子對以六說第

十五

景公問君子所行曷若晏子對以三者第十

六

景公問賢君治國若何晏子對以任賢愛民

十七

景公問明王之教民若何晏子對以先行義

第十八

景公問忠臣之事若何若晏子對曰不與君

陷於難第十九

景公問忠臣之行何如晏子對曰不與君行

邪第二十

景公問佞人之事君何如晏子對曰愚君所

信也第二十一

景公問聖人之不得意如何晏子對曰不與

世陷乎邪第二十二

景公問古者君民用國不危弱晏子對曰文

王第二十三

景公問古之蒞國者任人如何晏子對曰
人不同能第二十四

景公問古者離散其民如何晏子對曰今
聞公令如寇讐第二十五

景公問欲和臣親下晏子對曰信順儉節

第二十六

景公問得賢之道晏子對曰舉之曰語考
之曰事第二十七

景公問臣之報君何曰晏子對報曰真第
二十八

景公問臨國蒞民所患何也晏子對曰患
者三第二十九

景公問爲政何患晏子對曰善惡不分第
三十

莊公問威當世服天下時耶晏子對曰行也
第一

莊公問晏子曰威當世而服天下時耶晏子對

曰行也公曰何行對曰能愛邦內之民者能服
境外之不善重士民之死力者能禁暴國之邪
逆聽僨賢者能威諸侯安仁義而樂利世者能
服天下不能慶邦內之民者不能服境外之不
善輕士民之死力者不能禁暴國之邪逆懷諫
傲賢者之言不能威諸侯倍仁義而貪名實者
不能威當世而服天下者此其道也已而公不
用晏子退而窮處公任勇力之士而輕臣僕之
死用兵黷休國罷民害羣年百姓大亂而身及

崔氏禍君子曰盡忠不豫交不用不懷祿其晏
子可謂廉矣

莊公問伐晉晏子對以不可若不濟國之福
第二

莊公將伐晉問于晏子晏子對曰不可君得合
而欲多養欲而意驕得合而欲多者危養欲而
意驕者困今君任勇力之士以伐明主若不濟
國之福也不真而有功憂必及君公作色不說
晏子辭不為臣退而窮處堂下生藜藿門外生

荆棘莊公終任勇力之士西伐晉取朝歌及太行孟門茲於允朞而民散身滅於崔氏崔氏之朞逐群公及慶氏二

景公問伐魯晏子對曰不若修政待其亂第

三

景公舉兵欲伐魯問曰晏子晏子對曰不可魯公好義而民戴之好義者安兒戴者和伯禽之治存焉故不可攻攻義者不祥危安者必困且嬰聞之伐人者息定曰安其國政足以和其民

國安民和然後可已舉兵而征暴今君好酒而辟真婁以安國厚藉歛意使令婁以和民息婁以安之則危政婁日和之則亂未免乎危亂之理而欲伐安和之國不可不若脩政而待其君之亂也其君離上怨其下然後伐之則義厚而利多義厚則敵寡利多則民歡公曰善遂不果伐魯

景公伐萊勝之問所當賞晏子對曰謀勝祿

臣第四

景公伐萊勝之問晏子曰吾欲賞於萊何如對曰臣聞之以謀勝國者益臣之祿以民力勝國者益民之利故上有羨獲下有加利君上享其民臣下利其實故用智者不偷業用力者不傷苦此古之善伐者也公曰善於是破萊之臣東邑之卒皆有利是上獨擅名利下流也

景公問聖王其行若何晏子對曰魯衰世而諷

第五

景公外傲諸侯內輕百姓好勇力崇樂呂伐嗜

欲諸侯不說百姓不親公患之問於晏子曰古之聖王其行若何晏子對曰其行公正而無邪故讒人不得入不阿黨不私色故群徒之卒不得容薄身厚民故聚斂之人不得行不侵大國之地不耗小國之民故諸侯皆欲其尊不劫人以兵甲不威人呂衆彊故天下皆欲其彊真行教訓加於諸侯慈愛利澤加于百姓故海內歸之若流水今衰世君人者辟邪阿黨故讒諂群徒之卒繁厚身養薄視民故聚斂之人行侵大

國之地耗小國之民故諸侯不欲其尊劫人曰
兵甲威人以衆強故天下不欲其強災害加於
諸侯勞苦施於百姓故讐敵進伐天下不救貴
威離散百姓不與公曰然則何若欬曰請卑辭
重幣以說于諸侯輕罪省功以謝於百姓其可
乎公曰諾於是卑辭重幣而諸侯附輕罪省功
而百姓親故小國入朝燕魯共貢墨子聞之曰
晏子知道道在爲人而失爲己爲人者重自爲
者輕景公自爲而小國不爲與在爲人而諸侯

爲役則道在爲人而行在反己矣故晏子知道
矣

景公問欲善齊國之政以干霸王晏子對以
官未具第六

景公問晏子曰吾欲善治齊國之政以干霸王
之諸侯晏子作色對曰官未具也臣數以聞而
君不肯聽也故臣聞仲尼居處惰倦廉隅不正
則季次原憲侍氣而疾志意不通則仲由卜
商侍寔不盛行不厚則顏回騫獲侍今君之朝

臣萬人兵車千乘不善政之所失于下實墜于
民者衆矣未有能士敢以聞者臣故曰官未具
也公曰寡人今欲從夫子而善齊國之政可乎
對曰嬰聞國有具官然後其政可喜公作色不
說曰齊國雖小則可謂官不具對曰此非臣之
所復也昔吾先君桓公身體惰懈辭令不給則
濕朋驪侍左右多過獄讞不中則弦寤驪侍田
野不修民氓不安則宰戚驪侍軍吏怠戎士偷
則王子成甫驪侍居處佚怠左右懼畏乎樂

省乎治則東郭牙驪侍息義不中信行衰微則
管子驪侍先君能以人之長續其短以人之厚
補其薄是曰辭令窮遠而不逆兵加於有罪而
不頓是故諸侯朝其德而天子致其胙今君之
過失多矣未有一士以聞也故曰官不具公曰
善

景公問欲如桓公用管仲以成霸業晏子對
曰不能第七

景公問晏子曰昔吾先君桓公有管仲夷吾保

義齊國能遂武功而立文德糾合兄弟撫存豈
州吳越受令荆楚懣憂莫不賓服勤于周室天
子加惠先君昭功管子之力也今寡人亦欲存
齊國之政於夫子夫子以佐佑寡人彰先君之
功烈而繼管子之業晏子對曰昔吾先君桓公
能任用賢固有什五治徧細民貴不凌賤富不
傲貧功不遺寵佞不吐愚舉事不私聽獄不阿
內妾毀羨食外臣毀羨裸寡毀饑色不日飲
食之辟宮民之財不以宮室之侈勞人之力節

取於民而普施之府無藏倉廩粟上無驕行下
無諂真是以管子能以齊國免於難而日吾先
君參乎天子今君欲彰先君之功烈而繼管子
之業則無以多辟傷百姓無以嗜欲玩好怨諸
侯臣孰敢不承善盡力日順君意今君疏遠賢
人而任讒諛使民若不勝藉欵若不得厚取於
民而薄其施多求於諸侯而輕其禮府藏朽蠹
而禮悖於諸侯救粟藏深而怨積於百姓君臣
交惡而政刑喪常臣恐國之危失而公不得享

也又惡能彰先君之功烈而繼管子之業乎

景公問莒魯孰先已晏子對曰魯後莒先第

八

景公問晏子莒與魯孰先已對曰臣觀之也
莒之細人變而不化貪而不化高勇而賤仁士
武以疾忿急臣速竭是以上不能養其下下不
能事其上下下不能相親則政之大體失矣故
臣之觀也莒其先已公曰魯何如對曰魯之
君臣猶好為義下之安已也奄然寡聞是以上

能其養下下能事其上上下下相親政之大體存
矣故魯猶可長守已災其亦有一焉彼鄒滕雉犇
而出其地猶稱公侯大之事小弱之事強久矣
彼周者殷之樹國也魯近齊而親殷臣變小國
而不服於隣以遠望魯滅國之道也齊其有魯
與莒乎公曰魯與莒之事寡人既得聞之矣寡
人之德亦薄然後世孰踐有齊國者對曰田嬰
字之後為幾公曰何故也對曰公量小私量大
以施於民其與士交也用財無筐篋之藏國人

肩擄其子而歸之着水之流下也夫先與人利而後辭其難不亦寡乎若苟勿辭也從而撫之不亦幾乎

景公問治國何患晏子對以社鼠猛狗第九
景公問於晏子曰治國患晏子對曰患夫社鼠
公曰何謂也對曰夫社束木而塗之鼠因往託
焉熏之則恐燒其木灌之則恐敗其塗此鼠所
臣不可得殺者以社故也夫國亦有焉人主左
右是也內則蔽善惡于君上外則賣權重于百

姓不誅之則為亂誅之則為人主所案據腹而
有之此亦國之社鼠也人有酤酒者為器甚潔
清置表甚長而酒酸不售問之里人其故里人
云公狗之猛人挈器而入且酤公酒狗迎而噬
之此酒所以酸而不售也夫國亦有猛狗用事
者是也有道術之士欲于萬乘之主而用事者
迎而噬之此亦國之猛狗也左右為社鼠用事
者為猛狗主安得無墮國安得無患乎○或作
用事者為猛狗則道術之士不得用矣此治國

之所患也

景公問欲令祝史求福晏子病以常辭罪而

無求第十

景公問晏子曰寡人意氣衰身病甚今吾欲具
圭璋犧牲令祝宗薦之乎上帝宗朝意者禮可
以干福乎晏子對曰嬰聞之古者先君之干福
也政必合乎民行必順乎神節宮室不敢大斬
伐毀偏山林節飲食匪多畋漁臣嬰偏川澤祝
宗用事辭罪而不敢有所求也是以神民俱順

而山川納祿今君政反乎民而行悖乎神大宮
室多斬伐臣偏山林美飲食多畋漁臣偏川澤
是以民神俱怨而山川收祿司過薦罪而祝宗
祈福意者逆乎公曰寡人非夫子嬰所聞此請
革心易行于是廢公阜之游止海食之獻斬伐
者臣時畋漁者有數居處飲食節之勿羨祝宗
用事辭罪而不敢有所求也故隣國忌之百姓
親之晏子沒而後衰

景公問古之盛君其行如何晏子對以問道

者更正第十一

景公問晏子曰古之盛君其行如何晏子對曰
薄于身而厚于民約于身而廣于世其處上也
足以明政行教不以威天下其取財也權有喪
均貧富不以養嗜欲誅不避貴賞不遺賤不淫
于樂不遁于哀盡智導民而不伐焉勞力歲事
而不責焉為政尚相利故下不以相害行教尚
相愛故民不以相惡為名刑罰中於法廢罪順
於民是以賢者處上而不華不肖者處下而不

怨四海之內社稷之中粒食之民一意同欲若
夫私家之政生有道教此盛君之行也公不圖
晏子曰臣聞問道者更正問道者更容今君稅
歛重故民心離市買悖故商旅絕玩好充故家
貨殫積邪在於上蓄怨藏於民嗜欲備於側毀
非滿於國而公不圖公曰善于是令玩好不御
公市不豫宮室不飾業土不成止役輕稅上下
行之而百姓相親

景公問謀必得事必成何術晏子敘以慶義

因民第十二

景公問晏子曰謀必得事必成有術乎晏子對曰有公曰其術如何晏子曰謀度於義者必得事因于民者必成公曰奚謂也對曰其謀也左右無所繫上下無所靡其聲不悖其實不造謀於上不違天謀於不違民以此謀者必得矣事大則利厚事小則利薄稱事之大小權利之輕重國有義勞民有和利信此舉事者必成矣夫逃人而謀雖成不安傲民舉事雖成不固故臣

聞義謀之法者民事之本也故及義而謀信民而動未聞存者也昔三代之興也謀必度其義事必因于民及其衰也建謀者及義與事傷民故度義因民謀事之術也公曰寡人不敏聞善不行其已如何對曰上君全善其次出入焉其次結邪而羞聞全善之君能制出入之君時問之君雖日危尚可以沒身羞問之君不能保其身今君雖危尚可沒其身也

景公問為國家者何如晏子對以舉賢官能

第十三

景公問晏子曰蒞國治民善為國家者何如晏子對曰舉賢以臨國官能以救民則其道也舉賢官能則民與若矣公曰雖有賢能吾庸知乎晏子對曰賢而隱庸為賢乎吾君亦不務乎是故不知也公曰請問孔賢對曰觀之以其游說之旨其行君無以靡曼辯辭定其行毀以毀譽非議定其身如此則不為行旨揚聲不掩欲以榮君故通則視其所本窮則視其所不為富則可乎

景公問君臣身尊而榮難乎晏子對以易第
十四

景公問晏子曰為君身尊民安為臣事治身榮難乎易乎晏子對曰易公曰何若對曰為君節養其餘以顧民則君尊而民安為臣忠信而踰踰職業則事治而身榮公又問為君何行則危

爲臣何行則廢晏子對曰爲君厚藉斂而託之
爲民進讒諛而託之用賢遠公正而託之不順
君行此三者則危爲臣比周以求寸踰職業防
下隱利而求多從君不陳過而求親人臣行此
三者則廢故明君不以邪觀民守則而不虧立
灋儀而不犯苟有所求于民而不以身害之是
故刑政安於下民心固於上故察士不比周而
進不爲苟而求言媿陰陽行無內外順則進否
則退不與上行邪是臣進不失廉退不失行也

景公問天下之所以存亡晏子對以六說第

十五

景公問晏子曰寡人持不仁其無義耳也不然
北面與夫子而義晏子對曰嬰人臣也公曷爲
出若言公曰請終問天下之所以存亡晏子曰
縵密不能嚴苴學者詘身無臣用人而又不爲
人用者卑善人不能戚惡人不能踈者危交游
朋友從媿以說於人又不能說人者窮事君要
利大者不得小者不爲者餒脩道立義大不能

專小不能附者滅此足以觀存二矣

景公問君子常行曷若晏子對曰三者第十

六

景公問晏子曰君子常行曷若晏子對曰衣冠不中不敢以入朝所言不義不敢言要君行已不順不敢治事不公不敢以蒞衆衣冠無不中故朝與奇辟之服所言與不義故下與僞上之報身行順治事公故國無阿黨之義三者君子之常行者也

景公問賢君治國若何晏子對曰任賢愛民

第十七

景公問晏子曰賢君之治國若何晏子對曰其政任賢其行殘民其取節其自養儉在上不犯下在治不傲窮從邪害民者有罪進善舉過者有賞其政刻上而饒下赦過而救窮不因喜且加賞不因怒以加罰不從欲且安民不偷怒而危國上無驕行下無諂德上喪私義下無竊權上無朽蠹之藏下無凍餒之民不事驕行而

尚司其民安樂而尚親賢君之治國若此

景公問明王之教民何若晏子對以先行義

第十八

景公問晏子曰明王之教民何若晏子對曰明其教令而先之以行義養民不苛而防之以刑辟求所于下者不務於上所禁於民者不行于身守于民財無虧之以利立于儀灋不犯之呂吾苟所求于民不以身害之故下之勸從其教也稱事以任民中聽以禁邪不窮之以勞不害

之呂實苟所禁于民不以事逆之故下不敢犯其上也古者曰里而異習千里而殊俗故明王修道一民同俗上愛民爲灋下相親爲義是呂天下不相遺此明王教民之理也

景公問忠臣之事君何若晏子對以不與君

陷于難第十九

景公問於晏子曰忠臣之事君也何若晏子對曰有難不死出亡不送公不悅曰君裂地而封之疏爵而貴之君有難不死出亡不送可謂忠

乎對曰言而見用終身無難臣奚死焉謀而見從終身不出臣奚送焉若言不用有難而死之是妄死也謀而不從出亡而送之是詐僞也故忠臣也者能納善於君不能與君陷於難

景公問忠臣之行何如晏子效以不與君行

邪第二十

景公問晏子曰忠臣之行何如對曰不掩君過諫乎前不華乎外選賢進能不私乎內稱身就位計能定祿睹賢不居其上受祿不過其量不

權居臣爲行不稱位位以爲忠不揜賢臣隱長不刻下以諛上君在下小事太子國危不交諸侯順則進否則退不與君行邪也

景公問佞人之事君何如晏子對愚君所信

也第二十一

景公問佞人之事君如何晏子對曰意難難不至也明言行之以飾身僞言以說人嚴其交以見其變觀上之所欲而微爲之偶求君逼爾而陰爲之與內重爵祿而外輕之以誣行下

事左右而面示正公以偽廉求上采聽而幸臣
求進傲祿以求多辭任臣求重工乎取鄙乎予
歡乎新慢乎故恡乎財薄乎施覩貧窮若不識
趨利若不及外交以自揚背親臣自厚積豐義
之養而聲矜卹之義非譽乎情而言不行身涉
昔所議而好論賢不肖有之已不難非之人歟
之已不難求之人其言彊梁而信其進敏遜而
順此佞人之行也明君之所誅愚君之所信也
景公問聖人之不得意何如晏子對以不與

世陷乎邪第二十二

景公問晏子曰聖人之不得意何如晏子對曰
上作事反天時從政逆鬼神籍斂殫百姓四時
易序神祇並怨道忠者不聽薦善者不行諛過
者有賚救失者有罪故聖人伏匿隱處不干長
上潔身守道不與世陷乎邪是臣卑而不失義
瘁而不失廉此聖人之不得意也聖人之得意
何如對曰世治政平舉事調乎天藉斂和乎百
姓樂及其政遠者懷其真四皆不失序風雨不

降雷天明象而贊地長育而具物神降福而不靡民服教而不僞治無怨業居喪廢民此聖人之得意也

景公問古者君民用國不危弱晏子對以文

王第二十三

景公問晏子曰古者君民而不危用國而不弱惡乎失之晏子對曰嬰聞之曰邪蒞國以暴和民者危脩道曰要利得求而返邪者弱古者文王修德不曰要利滅暴不以順紂干崇侯之暴而禮梅伯之醢是以諸侯明乎其行百姓通乎其真故君民而不危用國而不弱也

景公問古之蒞國者任人如何晏子對曰人不同能第二十四

景公問晏子曰古之蒞國治民者其任人何如晏子對曰地不同生而任之以一種責其俱生不可得人不同能而任之曰一事不可責徧成責焉毋已智者有不能給此焉惡廢天地有不能贍也故明王之任人諂諛不適乎左右阿黨

不治乎本朝任人之長不强其短任人之工不强其拙此任人之大畧也

景公問古者離散其民如何晏子對以今聞

公令如寇讐第二十五

景公問晏子曰古者離散其民而隕失其國者其常行何如晏子對曰國貧而好大智薄而好專貴喪賤親焉大臣毋禮焉尚讒諛而賤賢人樂簡慢而玩百姓國無常灋民喪經紀好辯以爲忠流酒而忘國好兵而忘民庸于罪誅而慢

於慶賞樂人之哀利人之德難不足以懷人政不足呂惠民賞不足呂勸善刑不足以防非亡國之行也今民間公令如寇讐此古離散其民隕失其國所常行者也

景公問欲和臣親下晏子欲以信順儉節第

二十六

景公問晏子曰吾欲和民親下柰何晏子對曰君得臣而任使之與言信必順其令赦其過任大無多責焉使邇臣賤求嬖焉無以嗜欲貧其

家無信讒人傷其心家不外求而足事君不因
人而進則臣和矣儉於藉斂節于貨財作工不
歷時使民不盡力百官節適關市省征山林陂
澤不專其利領民治民勿使煩亂知其貧富勿
使凍餒則民親矣公曰善寡人聞命矣故令諸
子喪外親謁辟梁丘據無使受報百官節適關
市省征陂澤不禁冤報者過留獄者諸焉

景公問得賢之道晏子對曰舉之以語考之
以事第二十

景公問晏子曰取人得賢之道何如晏子對曰
舉之曰語考之曰事能論則尚而親之近而勿
辱曰取人則得賢之道也是以明君居上寡其
官而多其行拙於文而工於事言不中不言行
不法不爲也

景公問臣之報君何以晏子對曰報以真第

二十八

景公問晏子曰臣之報其君何以晏子敘曰臣
雖不知必務報君曰德士逢有道之君則順其

今逢無道之君則爭其不義故君者擇臣而使
之臣雖賤亦得擇君而事之

景公問臨國蒞民所患何也晏子對曰患者

三第二十九

景公問晏子曰臨國蒞民所患何也晏子對曰
所患者三忠臣不信一患也信臣不忠二患也
君臣異心三患也是以明君居上毋忠而不信
毋信而不忠者是故君臣同欲而百姓毋怨也
景公問爲政何患晏子對以善惡不分第三

十

景公問于晏子曰爲政以何患晏子對曰患善惡
之不分公曰何以察之對曰審擇左右善則百
僚各得其所宜而善惡分孔子聞之曰此言也
信矣善進則不善無由入矣不善進則善無由
入矣



國家圖書館, NATIONAL CENTRAL LIBRARY, TAIWAN, R.O.C.

晏子春秋內篇問下三終

晏子春秋內篇問下第四 凡三十一章

景公問何修則夫先王之游晏子對曰省

耕實第一

景公問桓公何以致霸晏子對曰下賢以

身第二

景公問欲逮桓公之後晏子對曰任非其

人第三

景公問廉政而長久晏子對曰其行水也

第四



景公問爲臣之道晏子對曰九節第五

景公問賢不肖可學乎晏子對曰彊勉爲

上第六

景公問富民安衆晏子對曰節中聽第七

景公問國如何則謂安晏子對曰內安政

外歸義第八

景公問諸侯孰危晏子對曰莒其先二第

九

景公使吳吳王問可處可去晏子對曰視

國治亂第十

景公問保威強不失之道晏子對以先民

後身第十一

景公使魯魯君問何事回曲之君晏子對

臣庶族第十二

魯昭公問魯一國迷何也晏子對以化爲

一心第十三

魯昭公問安國衆民晏子對以事大養小

謹節聽儉第十四

晏子使晉晉平公問先君得衆若何晏子對以如美淵澤第十五

晉平公問齊君德行高下晏子對以小善第十六

晉叔向問齊國若何晏子對以齊德衰民歸田氏第十七

叔向問齊真衰子若何晏子對以進不失退忠不失行第十八

叔向問正士邪人之行如何晏子對曰使

下順逆第十一

叔向問事君徒處之義奚如晏子對曰大賢與樸第二十

叔向問處亂世其行正曲晏子對曰民爲本第二十一

叔向問意孰爲高行孰爲厚晏子敘以愛民樂民第二十二

叔向問各處於行何如晏子對曰者君子之道第二十三

叔向問君子之大義何若晏子對以尊賢
退不肖第二十四

向叔問傲世樂業能行道乎晏子對以狂
惑也第二十五

叔向問人何若則榮晏子對曰事君親忠
孝第二十六

叔向問人何以則可保身晏子對以不要
幸第二十七

曾子問不諫上不顧民可成行義者晏子

以何以成也第二十八

梁丘據問子事三君不同心晏子對曰一
心可曰事百君第二十九

栢常騫問道毋滅身毋廢晏子對曰養世
君子第三十

景公問何脩則夫先王之游晏子對以省耕
實第一

景公出游問於晏子曰吾欲觀於轉附朝舞尊
海而南至於琅琊寡人何修則夫先王之遊晏

子再拜曰善哉君之問也聞天子之諸侯爲巡狩諸侯之天子爲述職故春省耕而補不足者謂之游秋省實而助不給者謂之豫夏諺曰吾君不遊我曷以休吾君不豫我曷以助一遊一豫爲諸侯度今君之游不筭師行而量食貧苦不補勞者不息夫從南歷時而不反謂之流從下而不反謂之連從獸而不歸謂之荒從樂而不歸謂之亡古者聖王毋流連之遊荒亡之行公曰善命吏計公掌之粟藉長幼貧氓之數吏

所委發廩出粟以予貧民者三千鍾公所身見癯老者七十人振贍之然後歸也

景公問桓公何以致霸晏子對以下賢以身

第二

景公問於晏子曰昔吾先君桓公善飲酒窮樂食味方丈好色無別辟若此何以能率諸侯以朝天子乎晏子對曰昔吾先君桓公變俗以政下賢以身管仲君之賊者也知其能足以安國濟功故迎之于魯郊自御禮之於廟異日君過

于康莊聞窶戚歌止車而聽之則賢人之風也
舉呂爲大田先君見賢不留使能不怠是呂內
政則民懷之征伐則諸侯畏之今君聞先君之
過而不能明其大節桓公之霸也君奚疑焉

景公欲逮桓公之後晏子對呂任非其人第

三

景公問晏子曰昔吾先君桓公從車二百乘九
合諸侯一匡天下今吾從車千乘可呂逮先君
桓公之後乎晏子對曰桓公從車三百乘九合

諸侯一匡天下者左有鮑叔右有仲父今君左
爲倡右爲優讒人在前諛人在後又焉可逮桓
公之後者乎

景公問廉政而長久晏子對曰其行水也第

四

景公問晏子廉政而長久其行何也晏子對曰
其行水也美哉水乎清清其濁不無雲塗其清
毋不灑除是以長久也公曰廉政而邀三其行
何也對曰其行石也堅哉石乎落落視之則堅

循之則堅內外皆堅無巨爲久是曰遯亡也

景公問爲臣之道晏子對曰九節第五

景公問晏子曰請問爲臣之道晏子對曰見善必通不私其利慶善而不有其名稱身居位不爲苟進稱事授祿不爲苟得體貴側賤不逆其倫居賢不肖不亂其序肥利之地不爲私邑賢質之士不爲私臣君用其所言民得其所利而不伐其功此臣之道也

景公問賢不肖可學乎晏子對以勉強爲上

第六

景公問晏子曰人性有賢不肖可學乎晏子對曰詩云高山仰止景行行止之者其人也故諸侯並立善而不怠者爲長長列士並學終善者爲師

景公問富民安衆晏子對曰九節欲中聽第七

景公問晏子曰富民安衆難乎晏子對曰易節欲則民富中聽則民安行此兩者而已矣

景公問國何如則謂安晏子對以內安政外

歸義第八

景公問晏子曰國如何則可謂安矣晏子對曰下無諱言官無怨治通人不華窮民不怨喜樂無羨賞忿怒無羨刑上有禮於士下有恩于民地博不兼小兵強不劫弱百姓內安其政外歸其義可謂安矣

景公問諸侯孰危晏子對曰莒莒其先亡第九
景公問晏子曰當今之時諸侯孰危晏子對曰莒其先亡乎公曰何故對曰地侵於齊貨謁于

晉是以亡也

晏子使吳吳王問可處可去晏子對以視國

治亂第十

晏子聘於吳吳王曰子大夫以君命辱在弊邑之地施貺寡人寡人受貺矣願有私問焉晏子巡迺而對曰嬰北方之賤臣也得奉君命臣趨於末朝恐辭令不審譏於下吏懼不知所以對者吳王曰寡人聞夫子久矣今乃得見願終其問晏子避席對曰敬受命矣吳王曰國如何則

可處如何則可去也晏子對曰嬰聞之親疏得處其倫大臣得盡其忠民無怨治國無害刑則可處矣是曰君子懷不逆之君居治國之位親疏不得居其倫大臣不得盡其忠民多怨治國有害刑則可去矣是曰君子不懷暴君之祿不處亂國之位

吳王問保威強不失之道晏子對曰先民後身第十一

晏子聘於吳吳王曰敢問長保威強勿失之道

若何晏子對曰先民而後身先施而後誅強不暴弱貴不凌賤富不傲貧百姓並進有司不侵民和政平不曰威強退人之君不以衆強兼人之地其用瀆爲時禁暴故世不逆其志其用兵爲衆屏患故民不疾其勞此長保威強勿失之道也此者危矣吳王忿然作色不說曰晏子曰寡君之事畢矣嬰毋斧鑕之罪請辭而行遂不復見

晏子使魯魯君問何事回曲之君晏子對曰

庶秩第十二

晏子使魯見昭公昭公說曰天下君子大夫語寡人者衆矣今得見而羨乎所聞請私而無爲罪寡人聞大國之君蓋回曲之君也曷爲以子大夫之行事回曲之君乎晏子遂循對曰嬰不肖嬰之族又不若嬰待嬰而祀先者五百家故嬰不敢擇君晏子出昭公語人曰晏子仁人也反亡君安危國而不私利焉僂崔杼之尸滅賊亂之徒不獲名焉使齊外與諸侯之憂內無讎

家之患不伐功也與鎮然不滿退託於族晏子可謂仁人矣

魯昭公問魯一國迷何也晏子對曰化爲一

心第十三

晏子聘于魯魯昭公問焉吾聞之莫三人而迷今吾以魯一國迷慮之不免于亂何也晏子對曰君之所尊舉而富貴入所忌與圖身出所以與圖國及左右偏邇皆同于君之心者也犒魯國化而爲一心曾無與二其何暇有三夫偏邇

于君之側者距本朝之勢國之所以治也左右
讒諛相與塞善行之所且衰也士者持祿游者
養交身之所以危也詩曰芄芄棫櫟薪之槁之
濟濟辟王左右趨之此言古者聖王明君之使
以善也故外知事之情而內得心之誠是且不
迷也

魯昭公問安國衆民晏子對以事大養小謹

聽節儉第十四

晏子聘于魯魯昭公問曰夫澌然辱臨弊邑竊

甚嘉之寡人受貺請問安國衆民如何晏子對
曰嬰聞傲大賤小則國危慢聽厚斂則民散事
大養小安國之器也謹聽節儉衆民之術也

晏子使晉晉平公問先君得衆若何晏子對

以如美淵澤第十五

晏子使晉晉平公饗之文室既靜矣晏以平公
問焉曰昔吾先君得衆若何晏子對曰君饗寡
君施及使臣御在君側恐懼不知所以對平公
曰聞子大夫數矣今迺得見願終聞之晏子對

曰臣聞君子如美淵澤容之衆人歸之如魚有
依極其游泳之樂若淵澤決竭其魚動流夫往
者維雨乎不可復已公又問曰請問莊公與今
孰賢晏子曰兩君之行不同臣不敢不知也公
曰王室之正也諸侯之專制也是且欲聞子大
夫之言也對曰先君莊公不安靜處樂節飲食
不好鍾鼓好兵作武士與同飢渴寒暑君之強
過人之量有一過不能已焉是以不免于難今
君大宮室美臺榭以辟飢渴寒暑畏禍敬鬼神

君之善足且沒身不足以及子孫矣

晉平公問齊君德行高下晏子對以小善第

十六

晏子使於晉晉平公問曰吾子之君德行高下
如何晏子對曰小善公曰否吾非問小善問子
之君德行高下也晏子蹇然曰諸侯之交紹而
相見辭之有所隱也君之命質臣無所隱嬰之
君蹇稱焉平公蹇然而辭送再拜而反曰殆哉
吾過誰曰齊君不肖直稱之士正在本朝也

晉叔向問齊國若何晏子對曰齊真衰民歸

田氏第十七

晏子聘于晉叔向從之宴相與語叔向曰齊其何如晏子對曰此季世也吾弗知齊其爲田氏乎叔向曰何謂也晏子曰公棄其民而歸於田氏齊舊四量豆區釜鐘四升爲豆各自其四呂登於釜釜十則鐘田氏三量皆登一焉鐘乃巨矣呂家量登以公量叔之山木如市弗加于山魚鹽唇蛤弗加於海民參其力二入於公而衣

食其一公積朽蠹而老小凍餓

都之市履賤

而踊貴民人痛疾或燠休之豈

成人誅殺不

當侈民喪時文王慈惠殷衆

無主是故天

下歸之喪私與維真之授今公宗

驕暴而田氏

慈惠其愛人如父母而歸之如流水

焉避其伯直柄虞遂伯戲其相胡公大姬已在

齊矣叔向曰雖吾公室亦季世也

軍行公乘無人卒列無長度民罷弊宮室滋侈

道殣相望而女富溢尤民聞公命如逃寇讐樂

卻晉原孤續慶伯降在皂隸政在家門民無所
依而君曰不悛呂樂愒憂公室之卑其何日之
有讒鼎之銘曰昧且不顯後世猶怠曰不悛其
竈久乎晏子曰然則子將若何叔向曰人事卑
矣待天而已矣晉之公族盡矣肸聞之公室將
卑其宗族枝葉先落則公從之肸之宗十一族
維羊舌氏在而已肸又喪子公室喪度幸而得
死豈其獲祀焉

叔向問齊惠衰子若何晏子對曰進不失忠

退不失行第十八

叔向問晏子曰齊國之德衰矣今子何若晏子
對曰嬰聞事明君者竭心力以沒其身行不逮
則退不曰誣持祿事惰君者優游其身以沒其
世力不能則去不以諛持危且嬰聞君子之事
君也進不失忠退不失行不苟合呂隱忠可謂
不失忠不持利以傷廉可謂不失行叔向曰善
哉詩有之曰進退維谷其此之謂歟

叔向問正士人邪之行如何晏子對曰使下

順逆第十九

叔向問晏子曰正士之義邪人之行何如晏子對曰正士處勢臨衆不阿私行於國足養而不忘故通則事上使卹其下窮則教下使順其上事君盡禮行忠不正爵祿不用則去而不議其交友也論身義行不爲苟戚不同則踈而不排不毀進於君不己刻民尊於國故用於上則民安行於下則君尊故得衆上不疑其身用于君不悖於行是己進不喪亡退不危身此正士之

行也邪人則不然用於上則霍民行于下則逆上事君苟進不道忠交友苟合不道行持詖巧以正祿比茲邪以厚養矜爵祿己臨人夸體貌以華世不任於上則輕議不薦于友則好誹故用于上則民憂行于下則君危是己其事君近於罪其交友近於患其得上辟于辱其爲生僨于刑故用于上則誅行于下則弑是故交通則辱生患則危此邪人之行也

叔向問事君徒處之義奚如晏子對曰大譬

無擇第二十

叔向問晏子曰事君之倫徒處之義奚如晏子對曰事君之倫知慮足且安國譽庸足且導民和衆足且懷衆不廉上以爲名不倍民且爲行上也潔于治已不飾過以求先不讒諛且求進不阿久私不誣所能次也盡力守職不怠奉官從上不敢隋畏上故不苟忌罪故不辟下也三者事君之倫也及夫大賢則徒處與有事無擇也隨時宜者也有所謂君子者能不足以補上

退處不順上治唐園考非履共恤上令第長鄉里不夸言不愧行君子也不以上爲本不且民爲憂內不恤其家外不顧其身游夸言愧行自勤于飢寒不及醜儕命之曰狂僻之民明上之所禁也進也不能及上退也不能徒處作窮于富利之門卑志于畎畝之業窮通行無常處之慮佚于心利通不能窮業不成命之曰處封之民明上之所誅也有智不足補君有能不足以勞民僉身徒處謂之傲上苟進不擇所道苟得

不知所亞謂之亂賊身歿以與君能無以勞民飾徒處之義揚輕上之名謂之亂國明君在上三者不免罪叔向曰賢不肖性夫吾每有問而未嘗自得也

叔向問處亂世其正曲晏子對曰民爲本第

二十一

叔向問晏子曰世亂不遵道上辟不用義正行則民遺曲行則道廢正行而遺民乎與持民而遺道乎此二者之于行何如晏子對曰嬰聞之

卑而不失尊曲而不失正者以民爲本也苟持民矣安有遺道苟遺民矣安有正行焉

叔向問意孰爲高行孰爲厚晏子對以愛民

樂民第二十二

叔向問晏子曰意孰爲高行孰爲厚對曰意莫高于愛民行莫厚於樂民又問曰意孰爲下行孰爲賤對曰意莫下於刻民行莫賤于害身也叔向問嗇吝愛之於行何如晏子對以嗇者

君子之道第二十三

叔向問晏子曰嗇吝愛之于行何如晏子對曰嗇者君子之道吝愛者小人之行也叔向曰何謂也晏子曰稱財多寡而節用之富無金藏貧不假貸謂之嗇積多不能分人而厚自養謂之吝不能分人又不能自養謂之愛故夫嗇者君子之吝愛者小人之行也

叔向問君子之大義何若晏子對以尊賢退不肖第二十四

叔向問晏子曰君丁之大義何若晏子對曰君

子之大義和調而不緣溪盜而不苛莊敬而不狡和柔而不銓刻廉而不歲行精而不以明污齊尚而不以遺寵富貴不傲物貧窮不易行尊賢而不退不肖此君子之大義也

叔向問傲世樂業能行道乎晏子對曰狂惑也第二十五

叔向問晏子曰進不能事上退不能爲家傲世樂業枯槁爲名不疑其所守者可謂能行其道乎晏子對曰嬰聞古之能行道者世可正目則

不可呂正則曲其正也不失上下之倫其曲也
不失仁義之理道用與世樂業不用有所依歸
不呂傲上華世不以枯槁爲名故道者世之所
以治而身之所以安也今呂不事上爲道呂不
顧家爲行呂枯槁爲名世行之則亂身行之則
危且天之與地而上下有衰矣明王始立而居
國爲制矣政教錯而民行有倫矣今以不事上
爲道及天地之衰矣以不顧家爲行倍先聖之
道矣呂枯槁爲名則世塞政教之途矣有明上

可呂爲下遭亂世不可呂治亂說若道謂之感
行若道謂之狂惑者狂若木石之槩也而道義
未戴焉

叔向問人何若則榮吳孝子對以事君親忠孝

第二十六

叔向問晏子曰何若則可謂榮矣晏子對曰事
親孝喪悔往行事君忠喪悔往辭和於兄弟信
於朋友不諂過不責得言不相坐行不相反在
上治民足呂尊君在下蒞修足呂變人身喪所

各行無所創可謂榮矣

叔向問人何呂可保身晏子對呂不要幸第

二十七

叔向問晏子曰人何以則可謂保其身晏子對曰詩曰既明且哲以保其身夙夜匪懈以事一人不廢幾不要幸先其難乎而後幸得之時其所也失之非其罪也可謂保其身矣

曾子問不諫上不顧民呂成行義者晏子對呂何呂成也第二十八

曾子問晏子曰古者嘗有上不諫上下不顧民退處山谷以成行義者也晏子對曰察其身無能也而託乎不欲諫上謂之誕意也上昏亂真義不行而邪辟朋黨賢人不用士亦不易其行而從邪以求進故有隱有不隱其行法士也廼夫議上則不取也夫上不諫上下不顧民退處山谷嬰不識其何呂為成行義者也

梁丘據問子事三君不同心晏子對呂一心可事百君第二十九

梁丘據問晏子曰子事三君君不同心而子俱順焉仁人固多心乎晏子對曰嬰聞之順愛不懈可以使百姓暴強不忠不可君使一人一心可君事百君三心不可以事一君仲尼聞之曰小子識之晏子曰一心事百君者也

栢常騫問道毋滅身毋廢晏子對以養世君子第三十

栢常騫去周之齊見晏子曰騫周室之賤史也不量其不肖願事君子敢問正道直行則不容

于世隱道危行則不怒道亦毋滅身亦無廢者何若晏子曰善哉問事君子乎嬰聞之執二瀆裾則不取也輕進苟合則不信也直易毋諱則速傷也新始好利則毀敝也且嬰聞養世之君子從重不爲進從輕不爲退省行而不伐讓利而不夸陳物而勿專見象而勿強道不滅身不廢矣

晏子春秋內篇問下第四終





晏子春秋內篇雜下第五 凡三十一章

莊公不悅晏子晏子坐車訟公而歸第一

莊公不用晏子致邑而退後有崔氏之難

第二

崔慶劫齊將軍大夫盟晏子不與第三

晏子再治阿而信見景公任以國政第四

景公惡故人晏子退國亂復召晏子第五

齊饑晏子因路之役呂振民第六

景公欲墮東門之堤晏子謂不可變古第七

景公憐饑者晏子稱治國之本曰長其意
第八

景公探雀穀穀弱反之晏子稱長勿曰賀
第九

景公賂乞兒於塗晏子諷公使養第十
景公懲刑跪之辱不朝晏子稱直謂管之
第十一

景公夜庭晏子飲晏子稱不敢與第十二

景公使進食與菘晏子對曰建醜曰第十
三

晏子飲景公正家老歛欲與民共樂第十
四

晏子飲景公酒呼具火晏子稱詩以辨第十
五

晉欲攻齊使人往觀晏子曰禮待而折其
謀第十六

景公問東門婁澤年穀而對以冰晏子請

罷伐魯第十七

景公使晏子子魯地而魯使不盡受第十

八

景公游紀得金 中書晏子因以諷之第

十九

景公嘗魯昭公去國而自悔晏子謂莊及

已第二十

晏子使魯布事已仲尼以為知禮第二十

一

晏子之魯進食有豚亡二肩不求其人第

二十二

曾子將行晏子送之而贈曰善言第二十

三

晏子之晉睹齊繫越石父解左駟贖之與

歸第二十四

晏子之御感妻妾言而自抑捐晏子薦以為

大夫第二十五

泚子午見晏子晏子恨不盡其意第二十

六

晏子乞北郭騷米以養母騷殺身巨明道

晏子之賢第二十七

景公欲見高糺晏子辨以祿仕之臣第二

十八

高糺治晏子家不得其俗乃逐人第二十

九

晏子居後遜命家老仲尼善之第三十

莊公不悅晏子晏子坐地訟公而歸第一

晏子臣於莊公公不悅飲酒令召晏子晏子至
入門公令樂人奏歌曰已哉已哉寡人不能說
也爾何來為晏子入坐樂人三奏然後知其謂
已也遂起北面坐地公曰夫子從席曷為坐地
晏子對曰嬰聞訟夫坐地今嬰將與君訟敢毋
坐地乎嬰聞之衆而無義彊而喪禮好勇而惡
賢者禍必及其身若公者之謂矣且嬰言不用
願請身去遂趨而歸管籥其家者納之公財在

外者斥之市曰君子有力於民則進爵祿不辭
貴富戮力于民而旅食不惡貧賤遂徙行而東
畔於海濱居數年果有崔杼之難

莊公不用晏子致邑而退後有崔氏之禍第

二

晏子為莊公臣言大用每朝賜爵益邑俄而不
用每朝致邑與爵爵邑盡退朝而乘嘖焚而歎
終而笑其僕曰何歎笑相從數也晏子曰吾
也哀吾君不免於難吾笑也喜吾自得也吾亦

喪死矣崔杼果弑莊公晏子立崔杼之門從者
曰死乎晏子曰獨吾君也乎哉吾死也曰行乎
曰獨吾罪也乎哉吾亡也曰歸乎曰吾君死安
歸君民者豈以陵民社稷是主臣君者豈為其
口實社稷是養故君為社稷死則死之為社稷
亡則亡之若君為己死而為己亡非其私暱孰
能任之且人有君而弑之吾焉得死之而焉得
亡之將庸何歸門啓而入崔子曰子何不死子
何不死晏子曰禍始吾不在也禍終吾不知也

吾何爲死且吾聞之曰爲行者不足以存君以死爲義者不足曰立功嬰豈其婢子也哉其縊而從之也遂袒免坐枕君尸而歎興三踊而出人謂崔子必殺之崔子曰民之望也舍之得民

崔慶劫齊將軍大夫盟晏子不與第三

崔杼既弑莊公而立景公杼與慶封相之劫諸將軍大夫及顯士庶人於大宮之坎上令無得不盟者爲壇三仞墻其下以甲千列環其內外

盟者皆脫劍而入維晏子不肖崔杼許之有敢不盟者戟拘其頸劍承其心令自盟曰不與崔慶而與公室者受其不祥言不疾指不至血者死所殺七人次及晏子晏子奉楛血仰天嘆曰嗚呼崔子爲無道而弑其君不與公室而與崔慶者受此不祥俛而飲血崔杼謂晏子曰子變子言則齊國吾與子共之子不變子言戟旣在脰劍旣在心維子圖之也晏子曰劫吾君乃而失其志非勇也回吾君利而倍其君非義也崔

子子獨不爲天討乎詩云莫莫葛藟施於條枚
愷悌君子求福不回今嬰且可以回而求福乎
曲刃鉤之直兵推之嬰不革矣崔杼將殺之或
曰不可子以子之君無道而殺之今其臣有道
之士也又從而殺之不可以爲教矣崔子遂舍
之晏子曰若大夫爲大不仁而爲小仁焉有中
乎趨出授綬而乘其僕將馳晏子撫其手曰徐
之疾不必生徐不必死鹿生於野命懸于厨嬰
命有繫失按之成節而後去詩云彼己之子舍

命不渝晏子之謂也

晏子再治阿而信見景公任以國政第四

景公使晏子爲東阿宰三年毀聞於國景公不
說召而免之晏子謝曰嬰知嬰之過矣請復治
阿三年而譽必聞於國景公不忍復使治阿三
年而譽聞於國景公說召而賞之景公問其故
對曰昔者嬰之治阿也築蹊徑急門閭之政而
溘民惡之舉儉力孝弟壽偷窳而惰民惡之決
獄不避貴強惡之左右所求法則予非瀆則否

而左右惡之事貴人體不過禮而貴人惡之是
呂三邪毀乎外二讒毀于內三年而毀聞乎君
也今臣謹更之不築蹊徑而緩門閭之政而淫
民說不舉儉力孝弟不罰偷窳而惰民說決獄
阿貴強而貴彊說左右所求言諾而左右說事
貴人體過禮而書久說是三邪譽乎外二讒譽
乎內三年而舉聞于君也昔者嬰之所以當誅
者宜賞今所呂當賞者宜誅是故不敢受景公
知晏子贊廼任以一國政三年而齊大興

景公惡故人晏子退國亂復召晏子第五

景公與晏子立于曲潢之上晏子稱曰衣莫若
新人莫若故公曰衣之新也信善矣人之故相
知情晏子歸負載使人辭于公曰嬰故老耄無
能也請毋服壯者之事公自治國身弱於高國
百姓大亂公恐須召晏子諸侯息其威而高國
服其政田疇墾辟蠶桑豢牧之處不足絲蠶於
燕牧馬于魯共貢入朝墨子聞之曰晏子知道
景公知窮矣

齊饑晏子因路昭之役呂振民第六

景公之時饑晏子請爲民發粟公不許當爲路寢之臺晏子令吏重其賃遠其地徐其日而不趨三年臺成而民振故上悅乎游民足乎食君子曰政則晏子欲終粟與民而已若使不可得則依物而偶於政

景公欲墮東門之堤晏子謂不可變古第七
景公登東門防民單服然後上公曰此大傷牛馬蹄矣夫何不下六尺哉晏子對曰昔者吾先

君桓公明君也而管仲賢相也夫以賢相佐明君而東門防全也古者不爲殆有爲也蚤歲溜水至入廣門即下六尺耳鄉者防下六尺則喪齊矣夫古之重變古豈以此之謂也

景公憐饑者晏子稱治國之本呂長其意第八

景公遊於壽宮睹長年負薪者而有饑色公悲之喟然歎曰令吏養之晏子曰臣聞之樂賢而哀不肖守國之本也公君愛老而恩無所不逮

治國之本也公笑有畫邑晏子曰聖王見賢以樂賢見不肖以哀不肖只今請求老弱之不養鰥寡之無室者論而共稅以爲公曰諾于是老弱有養鰥寡有室

景公探雀齧齧弱以之晏子稱長幼已賀第

九

景公探雀齧齧弱反之晏子聞之不待時而入見景公公汗出惕然曰晏子曰君何爲者也公曰吾探雀齧齧弱故反之晏子遂巡北面再拜而

賀曰吾君有聖王之道矣公曰寡人探雀齧齧弱故反之其當聖人之道者何也晏子對曰君探雀齧齧弱反之是長幼也吾君仁愛曾禽獸之加焉而況于人乎此聖王之道也

景公睹乞兒於塗晏子諷公使養第十

景公睹嬰兒有乞於塗者公曰是無歸夫晏子對曰君存何爲使歸使吏養可立而以聞

景公慙則跪之辱不朝晏子稱直請賞之第

十一

景公正晝被髮乘六馬御婦人呂出正閨則跪擊其馬而反之曰爾非吾君也公慙而不朝晏子睹裔歎而問曰君何故不朝對曰昔者君正書被髮乘六馬御婦人呂出正閨則跪擊其馬而反之曰爾非吾君也公慙而出反不果是以不朝晏子入見景公曰昔者寡人有罪被髮乘六馬呂出正閨則跪擊馬而反之曰爾非吾君也寡人呂天子大夫之賜得百姓以守宗廟今見戮於則跪以辱社稷吾猶可以齊于諸侯乎

晏子對曰君勿惡焉臣聞下無直辭上有隱君民多諱曰君有驕行古者明君在上下多直辭君上好善民無諱言今君有失行則跪直辭禁之是君之福也故臣來慶請賞之以明君之好善禮之呂明君之受諫公笑曰可乎晏子曰可於是令則跪倍資毋征時朝喪事也

景公夜從晏子飲晏子稱不敢與第十二

景公飲酒夜移于晏子前駟歎門曰君至晏子被玄端立于門曰諸侯得微有故乎國家得微

有事乎君何爲非時而夜辱公曰酒醴之味金石之聲願與夫子樂之晏子對曰夫布薦席陳簠簋者有人臣不敢與焉公曰移于司馬穰苴之家前驅欵門曰君至穰苴介冑操戟立于門曰諸侯得微有兵乎大臣得微有叛者乎君何爲非時而夜辱公曰酒醴之味金石之聲願與將軍樂之穰苴對曰夫布薦席陳簠簋者有人臣不敢與焉公曰移於梁丘據之家前驅欵門曰君至梁丘據左操瑟右挈竽行歌而去公曰

樂哉今夕吾飲也微彼二子者何以治吾國微此一臣者何以樂吾身君子曰聖賢之君皆有益友無偷樂之臣景公弗能及故兩用之僅得不

景公使進食與裘晏子對以社稷臣第十三
晏子侍于景公朝寒公曰請進暖食晏子對曰
嬰非君奉餽之臣也敢辭公曰請進服裘對曰
嬰非君茵席之臣也敢辭公曰然夫子之於寡
人何爲者也對曰嬰社稷之臣也公曰何謂社

稷之臣對曰夫社稷之臣能立社稷別上下之義使當其理制百官之序使得其宜作爲辭令可分布于四方自是之後君不以禮不見晏子晏子飲景公止家老斂欲與民共樂第十四晏子飲景公酒令器必新家老曰財不足請斂于氓晏子曰止夫樂者上下同之故天子與天下諸侯與境內匹夫以下各與其僚要有獨樂今上樂下傷其費是獨樂音也不可

晏子飲景公酒公呼具火晏子稱詩曰辭第

十五

晏子飲景公酒日暮公呼具火晏子辭曰詩云側弁之俄言失禮也晏舞僂僂言失容也既醉以酒既飽以德既醉而出並受其福賓主之禮也醉而不出是謂伐德禮賓之罪也嬰已卜其日未卜其夜公曰善舉酒祭之再拜而出曰豈過我哉吾託國于晏子也以其家貨養寡人不欲其淫侈也而况與寡人謀國乎

晉欲攻齊使人往朝既晏子曰禮侍而折其謀

第十六

晉平公欲伐齊使范昭往觀焉景公觴之飲酒
酣范昭曰請君之棄觴更之鐘罍具矣范昭佯
醉不悅而起舞謂太師曰能爲我調成周之樂
乎吾爲子舞之太師曰寡臣不習范昭趨而出
景公謂晏子曰晉大國也使人來將觀吾政今
子怒大國之使者將奈何晏子曰夫范昭之爲
人也非陋而不知禮也且欲試吾君臣故絕之
也景公爲太師子曰何言不爲客調成周之樂

乎太師對曰夫成周之樂天子之樂也調之必
人主舞之今范昭臣欲舞天子之樂臣故不
爲也范昭師以報乎公曰齊未可伐也臣欲試
其君而辱于齊之臣欲犯其禮而太師知之仲
尼聞夫不出於尊卑之間而知千里之外其晏
子之謂也謂折衝矣而太師其與焉

伐魯第十七

景公問東門襄澤年穀而對以冰晏子請罷
景公伐魯得許得東門無澤公問焉魯之年穀

何如對陰水厥陽水厚五寸不知曰告晏子晏子對曰君子也問年穀而對以水禮也陰水厥陽水厚五寸者寒溫節節則刑政平平則上下和和則年穀熟年充衆和而伐之臣恐罷民弊兵不成君之意請禮魯曰息吾怨遣其執以明吾意公曰善迺不魯

景公使晏子予魯地而魯使不盡受第十八

景公子魯君也山陰數百社使晏子致之魯使子叔昭伯受地不盡受也晏子曰寡君獻地忠

廉也曷爲不盡受子叔昭伯曰臣受命於君曰諸侯相見交讓爭處其卑禮之文也交委多爭受少行之實也禮成文于前行成章於後交之所以長久也且吾聞君子不盡人之歡不竭人之忠吾是以不盡受也晏子歸報公公喜笑曰魯君猶若是乎晏子曰臣聞大國貪于名小國貪于實此諸侯之公患也今魯處卑而不貪乎尊辭實而不貪乎多行廉不爲苟得道義不爲苟合不盡人之歡不竭人之忠以全其交君之

道義殊于世俗國名於公惠公曰寡人說魯君
故予之地今行累若此吾將使人賀之晏子曰
不君曰驩予之地而賀其辭則交不親而地不
為惠矣公曰善於言定重魯之幣母比諸侯屬其
禮母比賓客君子以魯而後明行廉辭地之可
為重名也

景公遊紀得金

中書晏子因以諷之第十

九

公遊於紀得金

發其視之中有月書曰食魚

毋反勿乘駑馬公曰善哉知苦言食魚毋反則
惡其鯨也勿乘駑馬忘其取道不遠也晏子對
曰不焚食魚毋反母盡民力乎勿乘駑馬則毋
置不肖於側乎公曰紀有書何以云也晏子對
曰有以云也嬰聞之君子有道懸之間紀有此
言注之 不云何待乎

景公覽魯昭公去國而自悔晏子謂嬰及已

第二十

魯昭公棄國走齊齊公問焉曰君何年之少而

棄國之蚤奚道至於此乎昭公對曰吾少之時人多愛我者吾體不能親人多諫我者吾志不能用是則內毋拂而外毋輔輔拂毋一人譖諛我者甚衆譬之猶秋蓬也孤其根而美枝葉秋風一至根且拔矣景公辯其言曰語晏子曰使是人反其國豈不爲古之賢君乎晏子對曰不然夫愚者多悔不肖者自賢溺者不問墜迷者不問路溺而後問墜迷而後問路譬之猶臨難而遽鑄兵噎而遽掘井雖速亦及已

晏子使魯布事已仲尼以爲知禮第二十一
晏子使魯仲尼命門子躬往觀子貢反報曰孰謂晏子子習于禮乎夫禮曰登階不歷堂上不趨授玉不跪今晏子皆反此謂晏子習于禮者晏子既已有事于魯君退見仲尼仲尼曰夫禮登階不歷堂上不趨授玉不跪夫子反此乎晏子曰嬰聞兩楹之間君臣有位焉君行其一臣行其二君之來邀是曰登階歷堂上趨曰及位也君授玉卑故跪以下之且吾聞之大者不踰

閑小者出入可也晏子出仲尼送之曰賓客之禮不計之義維晏子爲能行之

晏子之魯進食有豚亡二肩不求其人第二

十二

晏子之魯朝會進餽膳有豚焉晏子曰去其二肩書者進膳則豚肩不具侍者曰膳豚肩亡晏子曰釋之矣侍者曰我能得其人晏子曰止吾聞之量功而不量力則民盡藏餘不分則民盜子教我所臣改之無教我求其人也

曾子將行晏子送之而贈以善言第二十三

曾子將行晏子送之曰君子贈人以軒不若曰言吾請曰言之以軒乎曾子曰請以言晏子曰今夫車輪山之直木也良匠揉之其圓中規雖有槁暴不復斲矣故君子慎隱揉和氏之璧并里之困也良工修之則爲存國之寶故君子慎所修今夫蘭本三年而成湛之苦酒則君子不近庶人不佩湛之麩醞而賈匹馬矣非蘭本美也所蕩然也願學子之必求所湛嬰聞之君子居

必擇居游必就士擇居所
呂求士求士所以辟
患也嬰聞汨常移質習俗
移性不可不慎也

晏子之晉昭齊累越石父解左驂贖之與歸

第二十四

晏子之晉至中牟睹弊冠反裘負芻息於塗側者以爲君子也使人問焉曰子何爲者也對曰我越石父者也晏子曰何爲至此曰吾爲人臣僕於中牟見使將歸晏子曰何爲之僕對曰不免凍餓之切吾身是已爲僕也晏子曰爲僕幾

何對曰三年矣晏子曰可得贖乎對曰可遂解左驂以贈之因載而與之俱歸至舍烹不彘而入越石父怒而請絕晏子使人應之曰吾未嘗得交夫子也子爲僕三年吾廼今日睹而贖之吾於子尚未可乎子何絕我之暴也越石父對之曰臣聞之士者詘乎不知已而申乎知已故君子不以功輕人之身不爲彼功詘身之理吾三年爲人臣僕而莫吾知也今子贖我吾以子爲知我矣嚮者子乘不我辭也吾已子爲忘今又

不辭而入是與臣我有同矣我猶且為臣請驚
於世晏子出見之曰嚮者見客之容而今也見
客之意嬰聞之省行者不引其過察實者不譏
其辭嬰可已辭而無棄乎嬰誠革之廼令糞灑
改席尊醢而禮之越石父曰吾聞之至恭不脩
途尊禮不愛擯夫子禮之僕不敢當也晏子遂
以為上客君子曰俗人之有功則德德則驕晏
子有功免人于厄而反詘下之其去俗亦遠矣
此全功之道也

晏子之御感妻言而自抑損晏子薦以大夫

第二十五

晏子為齊相出其御之妻從門間而闚其夫為
相御擁大蓋策駟馬意氣揚揚甚自得也既而
歸其妻請去夫問其故妻曰晏子長不滿六尺
身相齊國名顯諸侯今者妾觀其出志念深矣
常有以自下者今子長八尺廼為人僕御然子
之意自以為足妾是以求去也其後夫自抑損
晏子恠而問之御曰實對晏子薦臣為大夫

浪子午見晏子晏子恨不盡其意第二十六
燕之游士有浪子午者常見晏子於齊言有文
章術有条理巨可巨補巨細可以益晏子者三
百篇睹晏子恐慎而不能言晏子假之巨悲色
開之以禮頽然後能盡其復也客退晏子直席
而坐廢朝移晷在側者曰嚮者燕客侍夫子胡
爲憂也晏子曰燕萬乘之國也齊千里之塗也
泯子午以萬乘之國爲不足說居千里之塗爲
不足遠則是千萬人之上也且猶不能殫其言

於我生也人之懷善而死者乎吾所巨不得
睹者巨也夫矣失此何之有也

晏子見景公曰
之毀第二十七

齊有北郭騷者結果罔拊蒲葦織履以養其母
猶不足踵門見晏子曰竊說先生之義願乞所
巨養母者晏子使人分倉粟府金而道之辭金
受粟有同是晏子見疑于景公出轎過北郭騷之
門而辭北郭騷沐浴而見晏子曰夫子將甚過

晏子曰見疑于齊君將出奔北郭嚙曰夫子勉之矣晏子上車太息而歎曰嬰之亡豈不宜哉亦不知士其甚矣晏子行北子召其友而告之曰吾說晏子之義而嘗乞所以養母者焉吾聞之養其親者身仇其難今晏子見疑吾將以身死白之著衣也今其友陳劍奉而從造于齊君陳復者曰晏子天下之賢者也今去齊國而奔也矣方見國之必侵也若知也以也也

其友因奉也而謂復者曰北郭子爲國故死吾將爲北郭子死又退而又列景公聞之大駭乘駟而自追晏子及之國郊請而反之晏子不得已而反問北郭子之以死自巳也大息而歎曰嬰之亡豈不宜哉亦愈不知士其甚矣

景公欲也見高糾晏子辭曰祿仕之臣第二十八

景公謂晏子曰吾聞高糾與夫子遊寡人請見之晏子對曰臣聞之爲地戰者不能成其主爲

祿仕者不能正其君高糾與嬰爲兄弟久矣未嘗干嬰之行特祿仕之臣也何足以補君乎

高糾治景孺家不得其俗迺逐之第二十九
高糾事晏子而見逐高糾曰臣事夫子三年喪得而卒見逐其說何也晏子曰嬰之家俗有三而子無一焉糾曰可得聞乎晏子曰嬰之家俗間處從容不談議則疏出不相揚美入不相削行則不與通國事無論驕士慢知者則不朝也此三者嬰之家俗今子是無一焉故嬰非特食

餽之長也是以辭

晏子居喪遜舍家老仲尼善之第三十

晏子居晏桓子之喪羸衰斬苴經帶杖管屨食粥居倚廬寢占枕草其家老曰非大夫喪父之禮也晏子曰唯卿爲大夫曾子以聞孔子孔子曰晏子可謂能遠害矣不己之是駁人之非遜辭以避外戕也夫

晏子春秋內篇雜上第五



國家圖書館 NATIONAL CENTRAL LIBRARY TAIWAN, R.O.C.

晏子春秋內篇雜下第六凡三十一章

靈公禁婦人爲丈夫飾不上晏子請先內
勿服第一

齊人好轂擊晏子給不祥而禁之第二

景公善五丈夫稱妻辜晏子知其寃第三

栢常褻穢身死將爲景公請壽晏子識其
妄第四

景公成栢寢而師開三室夕晏子辨其所
已然第五



景公病水普與日聞晏子教占管者曰對
第六

景公病瘍晏子撫面對之廼知群臣之野
第七

景公使吳吳王命偪者稱天子晏子宣其
第八

晏子使楚楚為小門晏子偪使狗國者入
狗門第九

楚王欲辱晏子詰晏者為齊人晏子對以

橘第十一

楚王饗晏子進橘置削晏子不剖而食第
十一

晏子布衣棧事而朝陳桓子侍景公飲酒
請浮第十二

田嬰字請求四方之學士晏子謂君子難
得第十三

田嬰字勝繼氏高氏欲分其家晏子使致
之公第十四

子尾疑晏子不受慶氏之邑晏子謂足欲
則三第十五

景公祿晏子平因與晏邑晏子願計三言
以辭第十六

深丘據言晏子食肉不足景公割地將封
晏子辭第十七

景公以晏子食不足致千金而晏子固不
受第十八

景公曰晏子之食薄使田嬰字致封邑

辭第十九

田桓子疑景何以辭邑晏子答曰君子
之事也第二十

景公欲更晏子宅晏子辭以近市得所求
諷公自刑第二十一

景公毀晏子隣以益其宅晏子因陳桓子
以辭第二十二

景公欲爲晏子築室於宮內晏子稱是已
遠之而辭第二十三

景公曰晏子妻老且惡欲內愛女晏子再拜以辭第二十四

景公以晏子乘弊車駕馬使梁丘據遺之三返不受第二十五

景公睹晏子之食菲薄而嗟其貧晏子稱其參士之食第二十六

梁丘據自患不及晏子晏子勉據曰常為常計第二十七

晏子老辭邑景公不許致車一乘而後止

二十八

晏子病將死妻問所欲言云毋變爾俗第二十九

二十九

晏子病將死鑿楹納書命子壯而示之第三十

靈公禁婦人為丈夫飾不止晏子請先內勿

服第一

靈公好婦人而丈夫飾者國人盡服之公使史禁之曰女子而男子飾者裂其衣斷其帶裂衣

斷帶相望而不止晏子見公問曰寡人使史禁女子而男子飾裂斷其衣帶相望而不止者何也晏子對曰君使服之於內而禁之於外猶懸牛首于門而賣馬肉於內也公何以不使內勿服則外莫敢爲也公曰善使內勿服踰月而國莫之服

齊人好轂擊晏子給臣不祥而禁之第二

齊人甚好轂擊相犯以爲樂禁之不止晏子患之廼爲新卑良馬出與人相犯也曰轂擊者不

祥臣其祭祀不順居處不敬乎下車而棄去之然後國人乃不爲故曰禁之以制而身不先行民不能止故化其心莫若教也

景公憂五丈夫稱毋辜晏子知其冤第三

景公畋於梧丘夜猶早公姑坐睡而夢有五丈夫北面韋廬稱毋罪焉公覺召晏子而告其所夢公曰我其嘗殺不辜誅無罪耶晏子對曰昔者先君靈公畋五丈夫罟而眩獸故殺之斷其頭而葬之命曰五丈夫之丘此其地耶公令人

掘而求之則五頭同穴而存焉公曰嘻令吏葬之國人不知其普也曰君懼白骨而況於生者乎不遺餘力矣不釋餘知矣故曰君子之爲善易矣

栢常騫襪烏死將爲景公註叩壽晏子識其妄

第四

景公爲路寢之臺成而不踊焉栢常騫曰君爲臺甚急臺成君何爲而不踊註公曰然有梟音者鳴聲歟不爲也吾惡之甚疋曰不踊焉栢常

騫曰臣請襪而去公曰何具對曰築新室爲置白茅公使爲室成置白茅焉栢常騫夜用事明日問公曰今昔聞鴟聲乎公曰一鳴而不復聞使人往視之鴟當陞布翬伏地而死公曰子之道若此其明亦能益寡人之壽乎對曰能公曰能益幾何對曰天子九諸侯七大夫五公曰子亦有徵毳之見乎對曰得壽地且動公喜令百官趣具騫之所求栢常騫出遭晏子于塗拜馬前辭騫曰爲襪君鴟而殺之君謂騫曰子之道

若此其明也亦能益寡人壽乎騫曰能今且大祭爲君請壽故將往呂問晏子曰嘻亦善能爲君請壽也雖然吾聞之維以政與惠而順乎神爲可呂益壽今徒祭可以益壽乎然則福地有見乎對曰得壽地將動晏子曰騫昔吾見維星絕樞星散地其動汝呂是乎栢常騫俯有間抑而對曰然晏子曰爲之毋益不爲無損也汝薄栢母費民且毋令君知之

景公成賦寢而師開言室夕晏子辨其所以

筴第五

景公新成栢寢之室使師開鼓琴師開左撫宮右彈商曰室夕公曰何以知之師開對曰東方之聲薄西方之聲揚公召大匠曰室何爲夕大匠曰立室呂宮矩爲之於是召司空曰立宮何爲夕司空曰立宮以城矩爲之明日子朝晏公曰先君太公以管丘之封立城曷爲夕晏子對曰古之立國者南望南斗北戴樞星彼安有朝夕哉筴而以今之夕者周之建國國之西方

以尊周也公就筮曰古之臣乎

景公病水曹與日闔晏子教占曹者以對第

六

景公病水臥十數日夜曹與二日闔不勝晏子朝公曰夕者曹與二日闔而寡人不勝我其死乎晏子對曰請召占曹者出於閨使人以車迎占曹者至曰易爲見召晏子曰夜者公夢二日與公闔不勝公曰寡人死乎故請君占夢是所爲也占曹者曰請反其書晏子曰毋反曹公所

病者陰也日者陽也一陰不勝二陽故病將已
巳是對占夢者入公曰寡人曹與二日闔而不
勝寡人死乎占曹者對曰公之所病陰也日者
陽也一陰不勝二陽公病將已居三日公病大
愈公且賜占曹者占曹者曰此非臣之力晏子
教臣也公召晏子且賜之晏子曰占夢以臣之
言對故有益也使臣言之則不信矣此占夢之
力也臣無功焉公兩賜之曰巳晏子不奪人之
功以占夢者不蔽人之能

景公病瘍晏子出而對之迺知群臣之野第

七

景公病疽在背高子國子請公曰職當撫瘍高子進而撫瘍公曰熱乎曰熱熱何如曰如火其色何如曰如未熟李大小何如曰如豆墮者何如曰如履辨二子者出晏子請見公曰寡人有病不能勝衣冠巨出見夫子夫子其辱視寡人乎晏子入呼宰人具盥御者具巾刷手溫之發席傅薦跪請撫瘍公曰其執何如曰如日其色

何如曰如蒼玉大小何如曰如璧其階者何如曰如畦晏子出公曰吾不見君子不知野人之拙也

晏子使吳吳王命偕有稱天子晏子詳感第

八

晏子使吳吳王謂行人曰吾聞晏嬰在比方辯行禮者也命偕曰白客見則稱天子請見期日晏子有事行人曰天子請見晏子蹙然又曰天子請見行人又曰天子請見晏

晏子感然者三曰臣受
卬弊邑之君將使於吳
王之所以不敏而迷惑
於天子之朝敢問吳
王惡乎存然後吳王曰
八差請見見之以諸侯
之禮

晏子使楚楚爲小門
晏子稱使狗國者入狗

門第九

晏子使楚以晏子短楚
公爲小門于大門之側
而延晏子晏子不入曰
使狗國者從狗門入今
臣使楚不當從此門入
以者更道從大門入見

楚王王曰齊無人耶晏子對曰臨淄三百閭張
袂成陰揮汗成雨比肩繼踵而在何爲無人王
曰然則子何爲使乎晏子對曰齊命使各有所
主其賢者使使賢王不肖者使使不肖王嬰
不肖故直使楚矣

楚王欲辱晏子指盜者爲齊人晏子對曰橘

第十

晏子將楚楚聞之謂左右曰晏嬰齊之習辭者
也今方來吾欲辱之何以也左右對曰爲其來

也臣請縛一人過王而行王者何為者也對曰齊人也王曰何坐曰坐盜晏子至楚王賜晏子酒酒酣吏二縛一人詣王王曰縛者曷為者也對曰齊人也坐盜王視晏子曰齊人固善盜乎晏子避席對曰嬰聞之橘生淮南則為橘生于淮北則為枳葉徒相似其實味不同所以然者何水土異也今民生長於齊不盜入楚則盜得娶楚之水土使民善盜耶王笑曰聖人非所與熙也寡人反取病焉

楚王饗晏子進橘置削晏子不削而食第十

景公使晏子於楚楚王進橘置削晏子不削而並食之楚橘王曰當去削晏子對曰臣聞之賜人主前者瓜梃不削橘柚不削今者萬乘無教今臣故不敢削不然臣非不知也

晏子布衣棧車而朝田桓子侍景公飲酒請浮之第十二

景公飲酒田桓子侍望見晏子而復於公曰請

浮晏子公曰何故也無字對曰晏子衣緇布之
衣麋鹿之裘棧軫之車而駕駑馬臣朝是隱君
之賜也公曰諾晏子坐酌者奉觴進之曰君命
浮子晏子曰何故也田桓子曰君賜之卿位以
尊其身寵之百萬以富其家群臣其爵莫尊于
子祿莫重于子今子衣緇布之衣麋鹿之裘棧
軫之車而駕駑馬以朝是則隱君之賜也故浮
子晏子避席曰請飲而後辭乎其辭而後飲乎
公曰辭然後飲晏子曰尹石之賜卿位以尊其身

嬰非敢為顯受也為行君令也寵以百萬臣富
其家嬰非敢為富受也為通君賜也臣聞古之
賢君有受厚賜而不顧其困族則過之臨事守
職不勝其任則過之君之內隸臣之父兄若有
離散在於野鄙此臣之罪也君之內隸臣之所
職若有播之在於四方此臣之罪也兵革之不
完戰車之不修此臣之罪也若夫弊車駑馬以
朝意者非臣之罪乎且臣以君之賜父之黨無
不乘車者母之黨無不足于衣食者妻之黨無

凍餒者國之閒士待臣而後舉者數百家如此者爲彰君賜乎爲隱君賜乎公曰善爲我浮無宇也

田嬰宇請求四方之學士晏子謂君子難得

第十三

田桓子見晏子獨立於墻陰曰子何爲獨立而不憂何不求四鄉之學士可者而與坐晏子曰共立似君子出言而非也嬰惡得學士之可者而與之坐且君子之難得也若美山然名山既

多矣松柏旣茂矣望之相相然盡目力不知厭而世有所美焉固欲登彼相相之上仡仡然不知厭小人者與此異若部婁之未登善登之婁蹊維有楚棘而已遠望嬰見也俛就則傷要惡能婁獨立焉且人何憂靜處遠慮見歲若月學問不厭不知老之將至安用從酒田桓子曰何謂從酒晏子曰無客而飲謂之從酒今若子者晝夜守尊謂之從酒也

田嬰宇勝欒氏高氏欲分其家晏子使致之

公第十四

欒氏高氏欲逐田氏鮑氏田氏鮑氏先知而遂
攻之高彊曰先得君田鮑安往遂 虎門二家
召晏子晏子無所從也從者曰何為不助田鮑
晏子曰何善焉其助之也何為不助欒高曰庸
愈於彼乎門開公召而入欒宜不勝而出田桓
子欲分其家臣告晏子晏子曰不可君不能飭
法而群臣專制亂之本也今又欲分其家利其
貨是非制也子必致之公且聞之禁者政之

本也讓者德之主也欒高不讓以至此禍可毋
慎乎廉之謂公正讓之謂保德凡有血氣者皆
有爭心怨利生孽維義可以為長存且分爭者
不勝其禍辭讓者不失其福子必勿取桓子曰
善盡致之公而請老于劇

子尾疑晏子不受慶氏之邑也晏子謂足欲則

二第十五

慶氏二分其邑與晏子邺殿甘鄒卒晏子弗受
子尾曰富者人之所欲也何獨弗欲晏子對曰

慶氏之邑足欲故二吾邑不足欲也益之以却
殿廼足欲足欲亡無矣日在外不得宰吾一邑
不受却殿非惡富也恐失富也且夫富如布帛
之有幅焉為之制度使無遷也夫生厚而用利
于是乎正德巨幅之使無黜慢謂之幅利利過
則為敗吾不敢貪多所謂幅也○或作晏子對
曰先人有言曰無功之賞不義之富禍之媒也
夫離治求富禍也慶氏知而不行是以失之
我非惡富也諺曰前車覆後車戒吾恐失富不

敢受之也

景公祿晏子平陰與橐邑晏子願行三言曰

辭第十六

景公祿晏子曰平陰與橐邑反市者十一社晏
子辭曰吾君好治宮室民之力弊矣又好盤游
翫好以飭女子民之財竭矣又好興師民之死
近矣弊其力竭其財近其死下之疾甚矣
此嬰之所為不敢受也公曰是則可矣雖然君
子獨不欲富與貴乎晏子曰嬰聞為人臣者先

君後身安國而度家宗君而處身曷爲獨不欲
與貴也公曰然則曷以祿夫子晏子對曰君
商漁鹽關市譏而不征耕者十取一焉弛刑罰
若死者刑若刑者罰若罰者免若此三言者嬰
之祿君之利也公曰此三言者寡人幾事焉請
以從夫子公既行若三言使人問大國大國之
君曰齊安矣使人問小國小國之君曰齊不我
加矣

梁丘據言晏子食肉不足景公割地將封晏

子辭第十七

晏子相齊三年政平民說梁丘據見晏子中食
而肉不足以告景公旦日割地將封晏子晏子
辭不受曰富而不驕者未嘗聞者貧而不恨者
嬰是也所以貧而不恨者以若爲師也今封易
嬰之師師已輕封已重矣請辭

景公曰晏子食不足致千金而晏子固不受

第十八

晏子方食景公使使者至分食食之使者不飽

晏子亦不飽使者反言之公公曰嘻晏子之家
若是其貧也寡人不知是寡人之過也使吏致
千金與市租請以奉賓客晏子辭三教之終再
拜而辭曰嬰之家不貧呂君之賜澤覆三族延
及交遊以振百姓君之賜也厚矣嬰之家不貧
也嬰聞之夫厚取之君而施之民是臣代君君
民也忠臣不爲也厚取之君而不施於民是爲
筐篋之藏也仁人不爲也進取于君退得罪于
士身死而財遷於他人是爲宰藏也智者不爲

也十夫總之布一豆之食足於中免矣景公謂
晏子曰昔吾先君桓公以書社五百封管仲不
辭而受子辭之何也晏子曰嬰聞之聖人于慮
必有一失愚人于慮必有一得意者管仲之失
而嬰之得者耶故再拜而不取受命

景公以晏子衣食弊薄使田無宇致封邑晏

子辭第十九

晏子相齊衣十升之布脫粟之食五卯苔菜而
已左右以告公公爲之封邑使田無宇致臺與

無鹽晏子對曰昔吾先君太公受之管丘爲地
五百里爲世國長自太公至於公之身有數十
公矣苟能說甘君以取邑不至公之身趣齊墉
以求升土不得容足而寓焉嬰聞之臣有真益
祿無真退祿惡有不肖父爲不肖子爲封邑以
敗其君之政者乎遂不受

田桓子疑晏子何以辭邑晏子荅曰君子之
事也第二十

景公賜晏子邑晏子辭田桓子謂晏子曰君歡

然與子邑必不受恨曰君何也晏子對曰嬰聞
之節受于上者寵長于君儉居處者名廣於外
夫長寵廣名君子之事也嬰獨庸能已乎

景公欲更晏子宅晏子辭曰近市得求諷公

省刑第二十一

景公欲更晏子之宅曰子之宅近市湫隘囂塵
不可以居請更諸爽塏者晏子辭曰君之先臣
容焉臣不足巨嗣之於臣侈矣且小人近市朝
夕得所求小人之利也敢煩里旅公笑曰子近

市識貴賤乎對曰既竊利之敢不識乎公曰何
貴何賤是時也公繁于刑有鬻踊者故對曰踊
貴而獲賤公愀然改容公爲是省于刑君子曰
仁人之言其利溥哉晏子一言而齊侯省刑詩
曰君子如祉亂無遘已其是之謂乎

景公毀晏子隣以益其宅晏子出陳桓子以

第二十一

晏子使置景公而人其宅反則成矣既拜廼毀之
而爲里室皆如其舊則使宅人反之且諺曰非

宅是卜維隣是卜二三子先卜隣矣違卜不祥
君子不犯非禮小人不犯不祥古之制也吾敢
違諸乎卒復其舊宅公弗許因陳桓子以請廼
許之○或作晏子使魯比其反景公爲毀其隣
以益其宅晏子反聞之待於郊使人復于公曰
臣之貧頑而好大室也乃通於君故君大其居
臣之罪大矣公曰夫子之鄉惡而居小故爲夫
子爲之欲夫子居之且憐寡人也晏子對曰先
人有言曰毋卜其居而卜其隣舍今得意於君

者嫌其居則母卜已沒氏之先人卜與臣隣吉
臣可以廢沒氏之卜乎夫大居而逆隣歸之心
臣不願也請辭

景公欲爲晏子築室於宮內晏子稱是以遠
之而辭第二十二

景公謂晏子曰寡人欲朝昔見爲天子築室於
閨內可乎晏子對曰臣聞之隱而顯近而結維
至賢耳如臣者飾其容止以待承令猶恐罪戾
也今君近之是遠之也請辭

景公以晏子妻老且惡欲納媵女以晏子再拜
以辭第二十四

景公有媵女請嫁于晏子公迺往也恐晏子之家
飲酒酣公見其妻曰此子之內子也晏子對曰
然是也公曰嘻亦老且惡矣寡人有女少且姣
請以滿夫子之宮晏子違席而對曰乃此則老
且惡嬰與之居故矣故及其少而嫁也且人固
曰壯託乎老姣託乎惡彼嘗託而受之矣君
雖有賜可以使嬰倍其託乎再拜而辭

景公以晏子乘弊車駕馬使梁丘據遺之三

返不受第二十五

晏子朝乘弊車駕馬景公見之曰嘻夫子之
褻寡耶何乘不任之甚也晏子對曰賴君之賜
得以壽三族及國游士皆得生焉丘得暖衣飽
食弊車駕馬臣奉其身於臣足矣晏子出公使
梁丘據遺之輅車乘馬三返不受公不悅趣召
晏子晏子至公曰夫子不受寡人亦不乘晏子
對曰君使臣臨百官之吏臣節其衣服飲食之

養臣先國之民然猶恐其侈靡而不顧其行也
今輅車乘馬君乘之上而臣亦乘之下民之與
義侈其衣服飲食而不顧其行者臣曷以禁之
遂讓不受

景公睹晏子之食菲薄而嗟其貧晏子稱有
參士之食第二十八

晏子相景公食脫粟之食炙三弋五卵於棗耳
羹公聞之往燕焉睹晏子之食也公曰嘻夫子
之家如此其貧乎而寡人不知寡人之罪也晏

子對曰臣世之不足也免粟之食飽上之一乞也灸三乞士之二乞也五卯士之三乞也嬰瑛倍人之行而有參士之食君之賜厚矣嬰之家不貧再拜而謝

梁丘據自患不及晏子晏子勉據常為常行

第二十七

梁丘據謂晏子曰吾至死不及夫子矣晏子曰嬰聞之為者前成行者常至嬰非有異于人也常為而不踴常行而不休者故難及也

晏子老辭邑景公不許致車一乘而後止第

二十八

晏子相景公老辭邑公曰自吾先君定公至今用世多矣齊大夫未有老辭邑者矣今夫子獨辭之是毀國之故棄寡人也不可晏子對曰嬰聞古之事君者稱身而食德厚而受祿德薄則辭祿德厚受祿所曰明上也德薄辭祿可以潔下也嬰老薄無能而厚受祿是掩上之明汚下之行不可公不許曰昔吾先君桓公有管仲恤

勞齊國身老賞之呂三歸澤及子孫今夫子亦相寡人欲爲夫子三歸澤至子孫豈不可哉對曰昔者管子事桓公桓公義高諸侯德備百姓今嬰事君也國僅齊於諸侯怨積乎百姓嬰之罪多矣而君欲賞之豈以其不肖父其不肖子厚受賞巨傷國民義哉且夫真薄而祿厚智昏而家富是彰污而逆教也不可公不許晏子出異日朝得間而入邑致車一乘而後止

晏子病將死妻問所欲言云毋變爾俗第二

十九

晏子病將死其妻曰夫子毋欲言乎子曰吾恐死而俗變謹視爾家毋變爾俗也

晏子病將死鑿楹納書命子壯而示之第三

十

晏子病將死鑿楹納書焉謂其妻曰楹語也子壯而示之及壯發書之言曰布帛不可窮窮不可飾牛馬不可窮窮不可服士不可窮窮不可任國不可窮窮不可竊也

晏春子秋內篇襍下第六

國家圖書館, NATIONAL CENTRAL LIBRARY, TAIWAN, R.O.C.

晏子春秋外篇重而異者第十七 凡二十七章

景公飲酒命晏子去禮景公子諫第一

景公置酒泰山四望而泣景公子諫第二

景公夢見彗星使人占之晏子諫第三

景公問古而無死其樂若何晏子諫第四

景公謂梁丘據與已和晏子諫第五

景公使祝史禳彗星晏子諫第六

景公有疾梁丘據裔款誅祝史晏子諫

第七



景公見道殣自慙無真且子諫第八

景公欲誅斷所愛櫛者且子諫第九

景公坐路寢曰請將有止晏子諫第十

景公墓成盆成适願合葬其母晏子諫而

許第十一

景公築長廩臺晏子舞而諫第十二

景公使燭鄒主鳥而亡之公怒將加誅晏

子諫第十三

景公問治國之患晏子對以佞人讒夫在

君側十四

景公問後孰將踐有齊國晏子對曰田氏

第十五

晏子使吳吳王問君子之行晏子對以不

亂國俱滅第十六

吳王問齊君優暴晏子何容焉晏子對曰

豈能已道食人第十七

司馬子期間有不干君不卹民取名者乎

晏子對曰不仁也第十八

高子問事靈公莊公景公皆敬子晏子對
曰一心第十九

晏子再治東河上計景公迎賀晏子辭第
二十

太卜給景公能動地晏子知其妄使卜自
曉公第二十一

有獻書譜晏子退耕而國不治復召晏子
第二十二

晏子使高糾治家三年而未嘗強過逐之

第二十三

景公稱桓公之封管仲益晏子邑辭不受
第二十四

景公使梁丘據致千金衣裘晏子固辭不
受第二十五

晏子衣鹿裘曰朝景公嗟其貧晏子稱有
飾第二十六

仲尼稱晏子行補三君而不有果君子也
第二十七

景公飲酒命晏子去禮晏子諫第一

景公飲酒數日而樂釋衣冠自鼓缶謂左右曰
仁人亦樂是夫梁丘據對曰仁人之耳目亦猶
人也夫奚為獨不樂此也公曰趣駕迎晏子晏
子朝呂至受觴再拜公曰寡人甚樂此樂欲與
夫子共之請去禮晏子對曰君之言過矣群臣
皆欲去禮以事君嬰恐君子之不欲也今齊國
五尺之童子力比過嬰又能勝君然而不敢亂
者畏禮義也上若無禮樂以使其下下若無禮

無以事其上夫麋鹿維無禮故父子同麋人之
所貴以於禽獸者以有禮也嬰聞之人君無禮
毋以臨其邦大夫無禮官吏不恭父子無禮其
家必凶兄弟無禮不能久同詩曰人而無禮胡
不遘死故禮不可去也公曰寡人不敏毋良左
右淫蟲寡人呂至于此請殺之晏子曰右左何
罪君若無禮則好禮者去無禮者至君若好禮
則有禮者至無禮者去公曰善請易衣革冠更
受命晏子避走立乎門外公令人糞灑改席召

衣冠以迎晏子晏子入門三讓升階用三獻焉
噉酒嘗膳再拜告饜而出公下拜送之門反命
撒酒去樂曰吾君彰晏子之教也○此章與景
公酒酣願無為禮晏子諫大旨同但辭有詳略
爾故著于此篇

景公置酒泰山四望而泣晏子諫第二

景公置酒于泰山之上酒酣公四望其地喟然
嘆泣數行而下曰寡人將去此堂堂國者而死
乎左右佐哀而泣者三人曰吾細人也猶將難

死而况公乎真是國也而死其孰可為乎晏子
獨搏其髀仰天而大笑曰樂哉今日之飲也公
佛然怒曰寡人有哀子獨大笑何也晏子對曰
今日見怯君一諛臣三人是君大笑公曰何謂
諛怯也晏子曰夫古之有死也今後世賢者得
之召息不肖者得之以伏若使古之王者毋知
有死自昔先君太公至今尚在而君亦安得此
國而哀之夫盛之有衰生之有死天之分也物
有必至事有常然古之道也曷為可悲至老尚

哀死者怯也左右助哀者諛也怯諛聚居是故
笑之公慙而更辭曰我非為去國而死哀也寡
人聞之彗星出其所向之國君當之今彗星出
而向吾國我是呂悲也晏子曰君之行義回邪
喪德于國穿池沼則欲其深且廣也為臺榭則
欲其高且大也賦斂如搗奪誅僂如仇讐自是
觀之弗又將出天之變彗星之出庸可悲乎于
是公惧廼歸寘池沼廢臺榭薄賦斂緩刑罰三
十七日而彗星亡○此章與景公登牛山而悲

登公阜睹彗星而感旨同而辭少異爾故著于
此篇

景公夢見彗星使人占之晏子諫第三

景公嘗見彗星明日召晏子而問焉寡人聞之
有彗星者必有亡國夜者寡人夢見彗星吾欲
召占者夢使占之晏子對曰君居處無節衣服
無度不聽正諫興事毋已賦斂毋厭使民如將
不勝萬民懟怨見彗星又將見菅麥獨彗星乎
此章與景公登公阜見彗星使讓之晏子諫辭

○旨同而此特言憂見爲異爾故著於此篇

景公問古而無死其樂若何晏子諫第四

景公飲酒樂公曰古而無死其樂若何晏子對曰古而死則古之樂也君何得焉昔爽鳩氏始居此地季前因之有逢伯陵因蒲姑氏因之而後太公因之古君無死爽鳩氏之樂非君所願也○此章與景公謂梁丘據與已和景公使祝史禳彗星皆出於景公遊公阜一日而有二過言但析爲章而辭少異皆著于此篇

景公謂梁丘據與已和晏子諫第五

景公至自畋晏子侍於端臺梁丘據造焉公曰維據與我和夫晏子對曰據亦同也焉得爲和公曰和與同異乎對曰異和如羹焉水火醯醢鹽梅以烹魚肉燂之以芼宰夫和之齊之以味濟其不及以水其過君子食之以平其心君臣亦然君所謂可而有否焉臣獻其否臣成其可君所謂否而有可焉臣獻其可以去其否是以政平而不干民無爭心故詩曰亦有和羹既戒

且平奏駸毋言時靡有爭先王之濟五味和五聲也呂平其心成其政也聲亦如味一氣二體三類四物五聲六律七音八風九歌呂相成也清濁小大矩長疾徐哀樂剛柔遲速高下出入周流以相濟也君子听之以平其心心平惠和故詩曰惠音不瑕今據不然君所謂可據亦曰可君所謂否據亦曰否若以水濟水誰能食之若琴瑟之專一誰能聽之同之不可也如是公曰善

景公使祝史禳彗晏子諫第六

齊有彗星景公使祝禳之晏子諫曰毋益也祗取誣焉天道不誥不貳其命若之何禳之也且天之有彗片除穢也君無穢德又何禳焉若惠之穢禳之何損詩云維此文王小心翼翼昭事上帝聿懷多福厥德不回以受方國君毋違真方國將至何患于彗詩曰我無所監夏后及商用亂之故民卒汙亡若德之回亂民將汙亡祝史之爲毋能補也公說乃止○此章與景公登

公阜見彗星章旨同故著于此篇

景公有疾梁丘據裔欵請誅祝史晏子諫第

七

景公疥逐疴期而不瘳諸侯之賓問疾者多在
梁丘據裔欵言於公曰吾事鬼神豐于先君有
加矣今君疾病爲諸侯憂是祝史之罪也諸侯
不知其謂我不敬君盍誅于祝固使噐臣辭賓
公說告晏子晏子對曰日宋之盟屈建問范會
之真於趙武趙武曰夫子家事治言于晉國竭

情無私其祝史祭祀陳信不愧其家事無情其
祝史不祈建以語康王康王曰神人無怨宜夫
子之先輔五君以爲諸主也公曰據與欵謂寡
人能事鬼神故欲誅于祝史子稱是語何故對
曰若德之君外內不廢上下無怨動無違事其
祝史薦信無愧心矣是以鬼神用饗國受其福
祝史與焉其所曰蕃禮老壽者爲信君使也其
言忠信於鬼神其適遇淫君外內頗邪上下怨
疾動作辟遠從欲厭私高臺深池撞鐘舞女斬

刈民力輸掠其聚以成其違不恤後人暴虐淫
縱肆行非度無所還忌不思謗讟不憚鬼神鬼
神怒民痛瑛悛於心其祝史薦信是言罪也其
蓋失數美是矯誣也進退瑛辭則虛以求媚是
曰鬼神不饗其國曰禍之祝史與焉所以天昏
孤疾者其暴君使也其言僭嫚于鬼神公曰然
則若之何對曰不可爲也山林之木衡鹿守之
澤之萑蒲舟楫守之藪之薪虞候狻守之海之
鹽廩祈望守之縣鄙之人入從其政偏介之關

暴征其私承嗣大夫彊易其賄布常瑛藝徵斂
庶度宮室日更淫樂不違內寵之妾肆奪于市
外寵之臣僭全於鄙私欲養求不給則應民人
苦病夫婦皆詛祝有益也詛不有揖聊搆曰東
姑尤以西其爲人也多矣雖其善祝豈能勝億
兆人之詛君若欲誅於祝史修德而後可公說
使有司寬政毀關去禁薄斂已責公疾愈○此
章與景公病久欲誅祝史曰謝事悉言同但述
辭有首末之異故著于此篇

景公見道殣自慙無德晏子諫第八

景公賞賜及後宮文繡被臺榭菽粟食鳧鴈出而見殣謂晏子曰此何爲而死晏子對曰此餒而死公曰嘻寡人之無德也甚矣對曰君之德著而彰何爲喪德也景公曰何謂也對曰君之德及後宮與臺榭君之玩物衣以文繡君之鳧鴈食菽粟君之管內自樂延及後宮之族何爲其喪德顧臣願有請于君由君之意自樂之心推而與百姓同之則何殣之有君不推此而

苟管內好私使財貨衝有所聚菽粟幣帛腐於困府惠不遍加于百姓公心不周乎萬國則桀紂之所呂也夫士民之所呂叛由徧之也君如察臣嬰之言推君之盛惠公布之于天下則湯武可爲也一殣何足恤哉○此章與景公遊塞塗不卹死傷辭如相反而其旨實同故著於此篇

景公欲誅斷所愛孺者晏子諫第九

景公登箚室而望見人有斷雍門之孺者公令

吏拘之顧謂晏子趣誅之晏子默然不對公曰
雍門之櫛寡人所甚憂也此見斷之故使夫子
誅之默然而不應何也晏子對曰嬰聞之古者
人君出則闢道十里非畏也冕前有旒惡多所
見也纊紘琬耳惡多所聞也秦帶重半鈞舄履
倍重不欲輕也刑死之罪曰中之朝君過之則
赦之嬰未嘗聞爲人君而自坐其民者也公曰
赦之毋使夫子復言○此章與景公欲殺犯槐
者景公逐得斬竹事悉同但悉辭少異耳故著

於此篇

景公坐路寢曰誰將有此晏子諫第十一

景公坐於路寢曰美哉其室將誰有此乎晏子
對曰其田氏乎田無宇爲埤矣公曰然則柰何
晏子對曰爲善者君上之所勸也豈可禁哉夫
田氏國門擊柝之家父以託其子兄以託其弟
於今三世矣山水如市不加于山魚鹽蚌唇不
加于海民財爲之歸今歲凶飢蒿種芣斂不半
道路有死人齊舊四量而豆豆四而區區四而

釜釜十而鐘田氏四量各加一焉臣家量貸臣
公量叔則所以糴百姓之死命者澤矣今公家
驕汰而田氏慈惠國澤是將焉歸田氏雖無惠
而施于民公厚歛而田氏厚施焉詩曰雖無惠
與汝式歌且舞田氏之施民歌舞之也國之歸
焉不亦宜乎○此章與景公怒路寢而嘆景公
問後世有齊者叔向問齊國之若辭旨畧同而
小異故著于此篇

景公臺成盆成适願合葬其母晏子諫而許

第十一

景公宿于路寢之宮夜分聞西方有男子哭者
公悲之明日朝問於晏子曰寡人夜者聞西方
有男子哭者聲甚哀氣甚悲是奚爲者也寡人
哀之晏子對曰西郭徒居布衣之士盆成适也
父之孝子兄之順弟也又嘗爲孔子門人今其
母不幸而死祔柩未葬家貧身老子孺恐力不
能合祔是以悲也公曰子爲寡人吊之因問其
偏祔何所在晏子奉命往吊而問偏之所在盆

成适再拜稽首而不起曰偏袒寄于路寢得爲
地下之臣擁札摻筆給事宮殿中右陛之下願
臣某日送未得君之意也窮困無以圖之布唇
枯舌焦心熱中今君不辱而臨之願君圖之晏
子曰然此人之甚董者也而恐君不許也盆成
适斃然曰凡在君耳且臣聞之越王好勇其民
輕死楚靈王好細腰其朝多餓死人子胥忠其
君故天下皆願得臣爲子今爲人子臣而離散
其親戚孝乎哉足臣爲臣乎若此而得袒足生

臣而安死毋也若此而不得則臣請輓尸車而
寄之於國門外宇溜之下身不敢飲食擁轅執
輅木乾鳥栖袒肉暴骸以望君愍之賤臣雖愚
竊意明君哀而不忍也晏子入復乎公公忿然
作色而怒曰子何必患若言而教寡人乎晏子
對曰嬰聞之忠不避危愛毋惡言且嬰固臣難
之矣今君營處爲游觀既奪人有又禁其葬非
仁也肆心傲聽不恤民憂非義也若何勿聽因
道盆成适之辭公喟然太息曰悲乎哉子勿復

言廼使男子袒免女子髮笄者以百數為闕凶門以迎盆成适适脫衰經冠條纓墨緣呂見乎公公曰吾聞之五子不滿隅一子可滿朝非廼子耶盆成适于是臨事不敢哭奉事以禮畢出門然後舉聲焉○此章與於何請合葬正同而辭少異故著於此篇

景公築長康臺晏子舞而諫第十二

景公築長康之臺晏子侍坐觴三行晏子起舞曰歲已暮矣而禾不穰忽忽矣若之何歲已寒

矣而役不罷憊憊矣加之何舞三而涕下沾襟景公慙焉為之罷長康之役○此章與景公為長康欲美之景公冬起大臺之役辭旨同而小異故著於此篇

景公使燭鄒主烏而亡之公怒將加誅晏子

諫第十三

景公好弋使燭鄒主鳥而亡之公怒詔吏殺之晏子曰燭鄒有罪三請數之呂其罪而殺之公曰可於是召而數之公前曰燭鄒汝為吾君主

鳥而亡之是罪一也使吾君臣鳥之故殺人是罪二也使諸侯聞之曰吾君重鳥臣輕士是罪三也穀燭鄒罪已畢請殺之公曰勿殺寡人聞命矣○此章與景公欲誅野人景公欲殺圍人章旨同而辭少異故著於此篇

景公問治國之患晏子對曰佞人讒夫在君

側第十四

景公問晏子曰治國之患亦有常乎對曰佞人讒夫之在君側者好惡良臣而行與小人此國

之長患也公曰讒佞之人則誠不善矣雖然則奚留焉為國常患乎晏子曰君以為耳目而好繆事則是君之耳目繆也夫上亂君之耳目下使群臣皆失其職豈不誠足患哉公曰如是乎寡人將去之晏子曰公不能去也公忿然作色不說曰夫子何小寡人甚也對曰臣何敢褻也夫能自周於君者才能皆非常也夫藏大不誠于中者必謹小誠於外以成其大不誠于中者必謹小誠于外以成其大不誠入則求君之嗜欲

能順之公怒良臣則具其往失而益之出則行
威以取富夫何密近不爲大利變而務與君至
義者也此難得其知也公曰然則先聖柰何對
曰先聖之治也審見賓客聽治不智曰不足群
臣皆得畢其誠讒諛安得容其私公曰然則夫
子劫寡人止之寡人亦事勿用對曰讒夫佞人
之在君側者若社之有鼠也諺言有之曰社鼠
不可熏去讒佞之人隱君之威以自守也是難
去焉○此章與景公問佞人之事若何如景公

問治國何患三章大意同而辭少異故著於此

篇

景公問後世孰將踐有齊者晏子對以田氏

第十五

景公與晏子立曲潢之上望見齊國問晏子曰
後世孰將踐有齊國者乎晏子對曰非賤臣之
所敢議也公曰胡必然也得者無失則虞夏常
存矣晏子對曰臣聞見不足臣知之者智也先
言而後當者惠也夫智與惠君子之事臣奚足

以知之乎雖然臣請陳其為政君彊臣弱政之本也君唱臣和教之隆也刑罰在君民之紀也今夫田無宇二世有功于國而利取分寡公室兼之國權專之君臣易施而無衰乎嬰聞之臣富上二由是觀之其無宇之後無幾齊國田氏之國也嬰老不能待公之事公若即世改不在公室公曰然則柰何晏子對其維禮可以已之其在禮也家施不及國民不懈貨不移工賈不變士不濫官不諂大夫不取公利公曰善今知

禮之可以為國也對曰禮之可以為國也久矣與天地並立君令臣忠父慈子孝兄愛弟敬夫和妻柔姑慈婦聽禮之經也君令而不違厲臣忠而不二父慈而教子孝而箴兄愛而友弟敬而順夫和而義妻柔而貞姑慈而從婦聽而婉禮之質也公曰善哉寡人迺今知禮之尚也晏子曰夫禮先王之所以臨天下也君為其民是故尚之○此章與景公坐路寢問誰將有此景公問魯莒孰先三田問後世孰有齊國晉叔向

問齊國若何之章會旨同而辭異故著於此篇
晏子使吳吳王問君子之行晏子對以不與

亂國俱滅第十六

晏子聘于吳吳王問君子之行何如晏子對曰
君順懷之政治歸之不懷暴君之祿不居亂國
之位君子見地則退不與亂國俱滅不與暴君
偕亡○此章與吳王問可處可去事旨既同但
辭有詳畧之異故著於此篇

吳王問齊君侵暴吾子何容焉晏子對曰豈

能已道食人第十七

晏子使吳吳王曰寡人得寄僻陋蠻夷之鄉希
見教君子之行請私而與為罪晏子蹇然辟位
吳王曰吾聞齊君蓋賊臣慢野以暴吾子容焉
何甚也晏子遵而對曰臣聞之微事不通龐事
不能者必勞大事不得小事不為者必貧大者
不能致人小者不能至人之門者必因此臣之
所居仕也如臣者豈能以道食人者哉晏子出
王笑曰嗟乎今日吾譏晏子訾猶僮而高榦者

也○此章與景公問天下之所以存亡魯君問何事回曲之君三章或事異而辭同或旨同而辭異故著于此篇

司馬子期問有不干君不恤民取名者乎晏子對曰不仁也第十八

司馬子期問晏子曰士亦有不干君不恤民徒居無爲而取名者乎晏子對曰嬰聞之能足以瞻上益民而不爲者謂之不仁不仁而取名者嬰未得聞之也○此章與叔向問徒處之義章

旨同而有詳略之異故著于此篇

高子問子事靈王莊公景公皆敬子晏子對

以一心第十九

高子問晏子曰子事靈王莊公景公皆敬子三君之心一耶夫子之心三也晏子對曰善哉問事君嬰聞一心可以事百君三心不可以事一君故三君之心非一也而嬰之心非三心也且嬰之於靈公也盡復而不能立之政所謂僅全其四支且從其君者也及莊公陳武夫尚勇力

欲辟勝于邪而嬰不能禁故退而荅處嬰聞之
言不用者不受其祿不治其事者不與其難吾
於莊公行之矣今之君輕國而重樂薄於民而
厚于養籍歛過量使令過任而嬰不能禁嬰庸
知其能全身以事君乎○此章與梁丘據問事
三君不同心九子之齊不見晏子旨同而辭少
異故著於此篇

晏子再治東阿上計景公迎賀晏子辭第二

十

晏子治東阿三年景公召而數之曰吾以子為
可而使子治東阿今子治而亂子退而自察也
寡人將加大誅於子晏子對曰臣請改道易行
而治東阿三年不治臣請死之景公許於是明
年上計景公迎而賀之曰甚善矣子之治東阿
也晏子對曰前臣之治東阿也屬託不行貨賂
不至陂池之魚以利貧民當此之貴民無飢君
反以罪臣今臣後之東阿也屬託行貨賂至并
重賦歛倉庫少內便事左右陂池之魚入于權

宗當此之嘗飢者過半矣君廼反迎而賀臣愚不能復治東阿願乞骸骨避賢者之路再拜使僻景公廼下席而謝之曰子彊復治東阿東阿者子之東阿也寡人無復與焉○此章與晏子再治阿而見信景公任以國政章旨同而述辭必異故著于此篇

太卜給景公能動地晏子知其妄使卜自曉

公第二十一

景公問太卜曰汝之道何能對曰臣能動地公

召晏子而告之曰寡人問太卜曰汝之道何能對曰能動地地可動乎晏子默默不對出見太卜曰昔吾見鈞星在四心之間地其動乎太卜曰然晏子曰吾言之恐子死之也默然不對恐君之惶也子言君臣俱得焉忠於君者豈必傷人哉晏子出太卜走入見公曰臣非能動地地固將動也陳子陽聞之曰晏子默而不對者不欲太卜之死也往見太卜者恐君之惶也晏子仁人也可謂忠上而惠下也○章與栢常騫讓

鳥死將爲公請壽晏子識其妄章旨同而辭異故著于此篇

有獻書譖晏子退畊而國不治復召晏子第

二十二

晏子相景公其論人也見贊而進之不同君所欲見不善則廢之不辟君所愛行已而無私直言而無諱有納書者曰廢置不周於君前謂之專出言不諱於君前謂易專易之行存則君臣之道廢矣吾不知晏子之爲忠臣也公以爲然

晏子入朝公色不悅故晏子歸備載使人辭曰嬰故老悖無能毋敢服壯者事辭而不爲臣退而窮處東朐海濱堂下生藜藿門外生荆棘七年燕魯分爭百姓昏亂而家無積公自治國權輕諸侯身弱高國公恐復召晏子晏子至公一歸七年之祿而家無藏晏子立侯諸忌其威高國服其政燕魯貢職小國皆朝晏子沒而後衰○此章與景公惡故人晏子退章旨同叙事少異故著于此篇

晏子使高糾治家三年而未嘗弼過逐之第

二十三

晏子使高糾治家三年而辭焉僨者諫曰高糾之事夫子三年曾毋以爵位而逐之敢請其罪晏子曰若夫方立之人維聖人而已如嬰者反陋之人也若夫左嬰右嬰之人不舉曰維將不正今此子事吾三年未嘗弼吾過也吾是以辭之○此章與景公欲見高糾章旨同而辭少異故著於此篇

景公稱桓公之封管仲益晏子邑辭不受第

二十四

景公謂晏子曰昔吾先君桓公三管仲狐與毅其縣十七著之于帛申之以策諸侯以為其子孫賞邑寡人不足君辱而先君今為夫子賞邑通之子孫晏子辭曰昔聖王論功而賞賢賢者得之不肖者失之御德修禮無有荒怠今事君而免于罪者其子孫奚宜與焉若為齊國大夫者必有賞邑則齊君何以共其社稷與諸

侯幣帛嬰請辭遂不受○此章與景公致千金而晏子固不受使田嬰字致封邑晏子辭章旨悉同而辭少異故著于此篇

景公使梁丘據致千金之裘晏子固辭不受

第二十五

景公賜晏子狐之白裘玄豹之氈其貲千金使梁丘據致之晏子辭而不受三反公曰寡人有此二將欲服之今夫子不受寡人不敢服與其閉藏之豈如弊之身乎晏子曰君就賜使嬰脩

百官之政君服之上而使嬰服之于下不可以為教固辭而不受○此章與景公使梁丘據遺之車馬三返不受章旨同而事少異故著于此篇

晏子衣鹿裘以朝景公嗟其貧晏子稱有飾

第二十六

晏子相景公布衣鹿裘呂朝公曰夫子之家若此其貧也是奚衣之惡也寡人不知是寡人之罪也晏子對曰嬰聞之蓋顧人而後衣食者不

以貪味爲非蓋顧人而後行者不曰邪辟爲累
嬰不肖嬰之族又不如嬰也待嬰以祀其先人
者五百家嬰又得布衣廢裘而朝於嬰不有飾
乎再拜而辭○此章與陳無字請浮晏子景公
睹晏子之食而嗟其貧章旨同而辭少異故著
于此篇

仲尼稱晏子行補三君而不有果君子也第

二十七

仲尼曰靈公汙晏子事之以整齊莊公壯晏子

事之巨宣武景公奢晏子事之巨恭儉君子也
相三君而善不通下晏子細人也晏子聞之見
仲尼曰嬰聞君子有譏於嬰是以來見如嬰者
豈能以道食人哉哉嬰嬰宗族待嬰而祝其先
人者數百家與靈月國之間士待嬰而舉火者數
百家臣爲此仕者也如臣者豈能以道食人者
哉晏子出仲尼送之以賓客之禮再拜其辱反
命門弟子曰救民之姓而不夸行補三君而不
有晏子果君子也○此章與仲尼之齊不見晏

子魯君問何事回曲之君言旨同而述辭少異
故著於此篇

春秋外篇重石異者第七終



晏子春秋外篇不入台經術者第八九十八章

仲尼見景公曰公欲封之晏子曰爲不可

第一

景公上路寢聞哭聲問梁丘據晏子對第

二

仲尼見景公景公曰先生奚不見寡人宰

乎第三

仲尼之齊見景公而不見晏子子貢致問

第四



景公出田鶴曰晏子若人之象有孔子乎
第五

仲尼相魯景公患之晏子對以勿憂第六
景公問有臣有兄弟而強足恃乎晏子對
不足恃第七

景公游牛山少樂請晏子一顧第八

景公爲大鐘晏子與仲尼栢常騫知將毀
第九

田嬰字非晏子有老妻晏子對以去老謂

之亂第十

工女欲入身于晏子晏子辭不受第十一

景公欲誅羽人晏子以爲瀆不宜法第十二
二

景公謂晏子東海之中有水而赤晏子詳

對第十三

景公問天下有極大極細晏子對第十四

莊公圍莒國人擾紹旨晏子在廼止第十五

五

晏子死景公馳往哭哀畢而去第十六

晏子死景公哭之稱莫復陳吾過第十七

晏子歿左右諛弦章諫景公賜之魚第十八

八

仲尼見景公景公欲封之晏子以爲不可第

一

仲尼之齊見景公景公說之欲封之以爾稽呂
告晏子晏子對曰不可彼浩裾自順不可呂教
下好樂綴於民不可使如桀汨立命而建事不可

守職厚葬破民貧國久喪道多費日不可使子
民行之難者在內而傳者無其外故異于服勉
于容不可以道聚而馴百姓自大賢之滅周室
之卑也威儀加多而民行滋薄聲樂繁充而世
惠滋衰今孔丘盛聲樂以侈世飾弦歌鼓舞以
聚徒繁登降之禮趨翔之節呂觀衆傳學不可
呂儀世勞思不可補民兼壽不能殫其教當年
不能究其禮積財不能贍其樂繁飾邪術以營
世君盛爲聲樂以淫愚其民也不可以示其教

也不可曰導民今欲封之以移齊國之俗非所以導衆存民也公曰善于是厚其禮而留其敬見不問其道仲尼廼行○此并下五章皆毀詆孔子殊合經術故著於此篇

景公上路寢聞哭聲問梁丘據晏子對第二
梁丘據對曰魯孔丘之徒鞠語者也明於禮樂審於服喪其母死塋埋甚厚服喪三年哭泣甚疾公曰豈不可哉而色悅之晏子曰古者聖人

非不知能繁登降之禮制規矩之節行表綴之數以教民曰為煩人留曰故制禮不羨於便事非不知能揚于戚鐘鼓等瑟以勸衆也以為費財留工故制樂不羨于和民非不知能累世殫國以奉死哭泣處哀以持久也而不為者知其喪補死者而深害生者故不以導民今品人飾禮煩事羨樂淫民崇死曰害生三者聖王之所禁也賢人不用惠毀倍流故三邪得行于世是非賢不肖雜上妄說邪故好惡不足以導衆此

三者路世之政軍事之教也公曷為不察聲受而色悅之

仲尼見景公景公曰先生奚不見寡人宰乎

第三

仲尼游齊見景公景公曰先生奚不見寡人宰乎仲尼對曰臣聞晏子事二君而得順焉是有三心所以不見也仲尼出景公以其言告晏子晏子對曰不然嬰為三心三君為一心故三君皆欲其國之安是以嬰得法也嬰聞之是而非

之非而是之猶非也孔丘必據處此一心矣

仲尼之齊見景公而不見晏子子貢致問第

四

仲尼之齊見景公而不見晏子子貢曰見君不見其從政者可乎仲尼曰吾聞晏子事二君而順焉吾疑其為人晏子聞之曰嬰則齊之世民也不維其行不識其過不能自立也嬰聞之有幸見愛無幸見惡誹譽為類聲響相應見行而從之者也嬰聞之以一心事二君者所以順焉

臣三心事一君者不順焉今未見嬰之行而非其順也嬰聞之君子獨立不慙于影獨寢不慙於寃孔子拔樹削跡不自以為辱窮陳蔡不自以為約非人不得其故是猶澤人之非斤斧山人之非網罟也出之其口不知其困也始吾望傳而貴之今吾望傳而疑之仲尼聞之曰語有之言發於爾不可止於遠也行存於身不可掩於衆也吾竊議晏子而不中夫人之過吾罪幾矣丘聞君子過人以為友不及人目為師今丘

失言於夫子譏之是吾師也因宰我而謝焉然仲尼見之

景公出田顧問晏子若人之衆有孔子乎第

五

景公出田寒故以為渾猶顧而問晏子曰若人之衆則有孔子焉乎晏子對曰有孔子焉則毋有若舜焉則嬰不識公曰孔子之不逮舜為間矣曷為有孔子焉則毋有若舜焉則嬰不識晏子對曰是廼孔子之所以不逮舜孔子行一節

者也處民之中其過之識况乎處君之中乎舜
者民處之中則自齊乎士處君子之中則齊乎
君子上與聖人則固聖人之材也此迺孔子之
所曰不逮舜也

仲尼相魯景公患之晏子對以勿憂第六

仲尼相魯景公患之謂晏子曰隣國有聖人敵
國之憂也今孔子相魯若何晏子對曰君其勿
憂彼魯君弱主也孔子聖相也君不如陰重孔
子設以相齊孔子強諫而不聽必驕魯而有齊

君勿納也夫絕於魯無主于齊孔子困矣居暮
年孔子去魯之齊景公不納故困於陳蔡之間
○此上五章皆毀詆孔子而此章復稱為聖相
設相齊以孔子似非乎仲之所宜故著於此篇
景公問有臣有兄弟而強足恃乎晏子對不
足恃第七

景公問晏子曰有臣而強足恃乎晏子對曰不
足恃有兄弟而強足恃乎晏子對曰不足恃公
忿然作色曰吾今有恃乎晏子對曰有臣而強

無甚如湯有兄弟而強無甚如桀湯有弑其君
桀有二其兄豈以人為足恃哉可以無二也○
此章與景公問臣并兄弟之強而晏子對曰湯
桀無以垂訓故著於此篇

景公遊牛山少樂請晏子一願第八

景公遊于牛山少樂公曰請晏子一願晏子對
曰不嬰何願公曰晏子一願對曰臣願有君而
見畏有妻而見歸有子而可遺公曰善晏乎子
之願載一願晏子對曰臣願有君而明有妻而

材家不貧有良隣有君而明日順嬰之行有妻
而材則使嬰不怠家不貧則不愠朋友所識有
良隣則日見君子嬰之願也公曰善乎晏子之
願也晏子對曰臣願有君而可輔有妻而可去
有子而可怒公曰善乎晏子之願也此章裁晏
子之願如此無以垂訓故著於此篇

景公為大鐘晏子與仲尼相常騫知將毀第

九

景公為大鐘將懸之晏子仲尼相常騫三人朝

俱曰鐘將毀衝之果毀公召三子者而問之晏
子曰鍾大不祀先君而呂燕非禮是以曰鍾將
毀仲尼曰鍾大而懸下衝之其氣下回而下薄
是以曰鍾將毀栢常騫曰今庚申雷日也音莫
勝於雷是以曰鍾將毀也○此章與景公為泰
呂成將燕饗晏子諫章旨同而尤近怪故著于
此篇

田嬰字非晏子有老妻晏子對以去老謂之

亂第十

田無宇見晏子獨立於門內有婦人出於室者
髮斑白衣緇布之衣而無絮裏裘田無宇譏之曰
出於室為何者也晏子曰嬰之家也無宇曰位
為中卿田七十萬何呂老為妻對曰嬰聞之去
老者謂之亂納少者謂之淫且夫見色而忘義
處富貴而失倫謂之逆道嬰可以有淫亂之行
不顧于倫逆古之道乎○此章與景公以晏子
妻老欲納愛女旨同而事異陳嬰字雖至凡品
亦未應旨是謂晏子沒非晏子者將納其說見

棄妻乎毋呂垂訓故著于此篇

工女欲入身於晏子晏子雖不受第十一

有工女託於晏子之家焉者曰婢妾在廓之野人也願得入身比數於下陳焉晏子曰乃今日而後自知吾不肖也古之爲政者士農工商異居男女有別而不通故士毋邪行女毋淫事今僕託國主民而女欲轉僕僕必色見而行喪廉也遂不見○此章與犯傷槐之令者女求入晏子家事同而辭略且無因而至故著于此篇

景公欲誅羽人晏子以爲法不宜殺第十二
景公蓋姣有羽人視景公僭者公謂左右曰問之何視寡人之僭也羽人對曰言亦死而不言亦死竊姣公也公曰合色寡人也殺之晏子不時而入見曰蓋聞君有所怒羽人公曰然色寡人故將殺之晏子對曰嬰聞拒欲不道惡夢不祥雖使色君於灋不宜殺也公曰惡然乎若使沐浴寡人將使抱背○此章不與毋以垂訓故著于此篇

景公謂晏子東海之中有水而赤晏子詳對

第十三

景公謂晏子曰東海之中有水而赤其中有棗華而不實何也晏子對曰昔者秦繆公乘龍而理天下以黃布裹烝棗至東海而捐其布彼黃布故水亦烝棗故華而不實公曰吾詳問子何爲對曰嬰聞之詳問者亦詳對之也○此并下一章語數俳而義歟所取故著於此篇

景公問天下有極大極細晏子對第十四

景公問晏子曰天下有極大乎晏子對曰有足游浮雲背凌蒼天尾偃天間躍啄北海頸尾咳於天地乎然而濇濇不知六翮之所在公曰天下有極細乎晏子對曰有東海有蠱巢於蠹睫再乳再飛而蟲不爲驚臣嬰不知其名而東海漁者命曰焦冥

莊公圖莒國人擾紹以晏子在廼止第十五
莊公闔門而圖莒國人以爲有亂也皆操長兵而立於閭公召睢休相而問曰寡人闔門而圖

昔國人曰爲有亂皆標長兵而立于衢閭柰何
休相對曰誠無亂而國曰爲有則仁人不存請
今于國言晏子之在也公曰諾以令於國孰謂
國有亂者晏子在焉然後皆散兵而歸君子曰
夫行不可不務也晏子存而民心安此一日之
所爲也所以見於前信於後者是以晏子立人
臣之位而安萬民之心○此章特以晏子而紹
國人故著于此篇

晏子死景公馳哭往哀畢而去第十六

景公游於菑聞晏子死公乘侈輿服繁馭驅之
而因爲遲下車而趨知不若車之速則又乘比
至於國者四下而趨行哭而往伏尸而號曰子
大夫日夜責寡人不遺尺寸寡人猶且淫泆而
不叔怨罪重積于百姓今天降禍於齊不加于
寡人而加於夫子齊國之社稷危矣百姓將誰
告夫○此并下二章皆晏子歿後景公追懷之
言故著于此篇

晏子死景公哭之稱莫復陳告吾過第十七

晏子死景公操玉加於晏子而哭之涕沾襟章
子諫曰非禮也公曰安用禮乎昔者吾與夫子
遊於公邑之上一日而三不聽寡人今其孰能
然乎吾失夫子則三何禮之有免而哭哀盡而
去

晏子沒左右設強章諫景公賜之魚第十八
晏子沒十有七年景公飲諸大夫酒公射出聲
堂上唱善若出一口公作色太息播弓矢弦章
入公曰章缺

外篇第八終

